

續文獻通考卷之二百二十一

哈佛大學漢和圖書館珍藏印

皇明進士雲間王圻纂輯

物異考 金異至地震

金異

宋理宗寶祐三年六月仙遊縣南橋溪上魁星祠前溪中

湧出開元錢居民取之錢背有閩字或福字

遼太祖神冊元年將稱尊號改元掘地為壇得金鈴因名

其地曰金鈴岡

聖宗統和十四年閏七月五院部進穴地所得金馬

道宗大安七年六月倒榻嶺人進古鼎有文曰萬歲永為

寶

元世祖至元中有趙生者宋宗室子也家貧居閩之深山業薪以自給一日伐木溪澗見一巨蛇章質盡白昂首吐舌若將噬生生棄斧斤奔避歸以告妻因竊念白者豈寶物變幻耶卽拉夫同往蛇尚未去見其夫婦來迴首逝流而上尾之行數百步則入一岩穴中就啓之得石石陰刻柙字與歲月姓名乃黃巢手瘞治爲九穴中穴置金甲餘八穴金銀無筭後金甲歸一路官珍襲甚至任滿他適其妻徙至榻下一夕聞繞榻風雨聲頃刻而止頗怪之夫頰共取視鏽鏽如故啓籠無有矣壬午杭州張存于番中獲聖鐵一塊厚廣僅及二寸作法撒沙布地噉鐵于口刀又不能傷其身有烏馬兒奉使所傷去鐵復揮應手首落遂就進呈

皇明

太祖洪武八年庫錢庫銀飛或曰此陰盛陽微之徵時南臺民家屋上有錢豎立瓦上各貫以竹或得一二十文皆庫錢也又一日廣積庫內鎮庫銀重數百斤忽穿庫飛出有一儒生夜坐見田間火起曰此必有寶因標識其地比旦往視標在秧田中去土尺許得白銀有硃填廣積字重不可舉遂告相識者十八人同掘取分爭不平乃聞于官太祖曰此銀已失三塊矣殆天所以畀是儒也其賜之餘止與傭工錢十一年戊午元旦

早朝文武已集 殿上金鐘始數扣忽斷爲二 上欲
罪工部官得胡丞相奏始免

穆宗隆慶六年七月七日華亭縣東見雲端有一物甚巨
火引前後色紅有人隨之色稍淡而黃轟轟有聲向東
而飛至八圍某寺外墮地八尺餘乃鐘也有鑄時年月
云自閩省來者夫金石至重有時而飛亦奇怪事

玉石異

宋理宗端平元年八月戊寅紹慶府黃登進對奏武泰建
節之邦在唐爲武泰軍節度使今陛下潛藩陞爲紹慶
府龍飛一年之先大雨洗土石骨皆龍鱗

元丞相伯顏嘗至于闐國鑿井得一玉佛高三四尺色如

蒼肪照之皆見筋骨脉絡卽貢上方又有白玉一段高
六尺濶五尺長十七步以重不可致 至正十年正月
甲戌隕石于棣州色黑中微有金星先有聲自西北來
至州二十里而隕焉 二月奉化山石裂 二十八年
慶元奉化州南山石突開其碎而大者有山川人物禽
鳥草木之形

皇明

太祖洪武十二年胡惟庸宅井中忽生石笋漸長出水碍
汲使人取之笋傍復出三枝次年惟庸以謀逆誅 三

十一年庚辰

自建文二年

春正月辛酉朔

凝命神寶成先

是 建文君在

儲宮時嘗夢神人致上帝命授以重

寶及元年使者還自西方得青玉於雪山踰二尺質理
溫栗及二年春正月 建文君郊祀宿齋宮夕夢若有
覩乃驚寤遂 命玉人琢之為大璽至是成寶方一尺
六寸九分 賜名凝命神寶其文曰天命明德表正萬
邦精一執中宇宙永昌

孝宗弘治十三年庚申夏六月二十二日獲玉璽于趙倫
村在陝西西安府鄠縣道安里有常命于天既授永昌
八字皆篆文人曰此即傳國璽巡撫以聞

歲凶

宋

寧宗嘉定二年春荆襄大饑米斗數千錢人食草木 八

年浙東西饑 十年永昌大饑民多死徙剽竊衢州台

州饑多盜 十一年浙饑饑無麥禾 十二年杭州大

饑閭巷有殍 十七年春餘杭錢塘仁和三縣饑

理宗嘉熙四年正月臨安大饑奪食于路市中殺人以賣
盜於隱處掠賣人以微利日未晡路無行人 景定三

年臨安饑 又楊真泰饑 嘉熙四年温州饑 開慶

元年温州饑

按宋史詔賑恤貧民時馬光祖知榮王與芮府有積粟
三往見之王以他辭光祖乃臥于客次王不得已見焉
光祖厲聲曰天下誰不知儲君為大王子今民饑欲死
不以此時收人心乎王以廩虛辭光祖探懷中出片紙

曰某庄某倉若干王語塞遂許以三十萬光祖遣吏分給活饑民甚衆

度宗咸淳四年七月六日襄陽饑 七年春二月大饑命官賑貸知無爲州黃裳大書閉糶者籍強糶者斬不抑米價勸分有方全活者衆

遼道宗咸雍四年三月應州及朔州饑 太康二年遼東饑民多死 四年正月東京饑時燕薊民饑劉伸以崇義軍節度使致仕與前致仕趙徽韓造日濟以糜粥所活不可勝計 大安三年四月義州饑 四年正月以上京南京饑許良人自鬻

天祚帝天慶八年山前諸路大饑乾顯宜錦興中等路斗

米直數縑民削榆皮食之旣而人相食

金太宗天會六年冬移懶路饑 十年冬移懶曷懶等路饑

熙宗天眷二年二月熙河路饑

章宗明昌二年秋山東河北旱饑

衛紹王大安二年四月山東河北饑斗米至千餘錢 崇

慶二年京兆饑斗米至八千錢

宣宗貞祐四年春河朔饑人相食

元

世祖中統元年五月澤州益州饑 二年六月搭察兒部

饑七月桓州饑 三年忽刺忽兒所部民及甘州濟南

饑 至元元年沅及邵武路大旱饑 二年四月遼州
沅州饑 七月益州饑 三年十一月豐及歸州饑
五年九月益都饑 六年正月恩州饑開元大名東平
東昌濟南固安高唐等路饑 七年五月山東淄萊應
州府西京等處饑 九年四月京師大都路河南遼東
益都等路饑 十年七月河南遼東饑 十三年四月
開元路民饑 十五年春正月西京咸淳府等郡彰德
等處饑 十七年三月高郵郡鞏昌常德等路饑 十
八年二月浙東通泰崇明瓜州饑 十一月昌州及盖
里泊民開元等路六驛上都饑 十九年九月真定路
饑民流徙鄂州寧國路太平縣饑民採竹實爲糧 二

十一年火忽兒等所部民饑 二十三年涿易二州良
鄉寶坻遼東開元大都宣寧寧遠平陽幹統吉思部八
都兒阿只吉所部民及甘州等處饑 二十四年正月
皇子奧魯赤部曲雍古真定路大都遼東北京瀋州西
京平樂蘇常湖秀四州俱饑 二十五年夏四月蒲臺
縣兀良哈部饑 二十六年二月合木裏部安西甘州
等路遼陽路武平路檀州蠡州河間保定諸路饑 二
十七年二月開元路寧遠路浙東婺州河間任丘保定
定興河東山西道俱饑 二十八年三月真定河間保
定平灤太原平陽等路杭州平江鎮江廣德太平徽州
武平及洪寬女直部大都內郡俱饑 二十九年清州

興州威寧昌州輝州龍山縣里州和州中縣東安固安
棣四州南陽懷孟衛輝等路俱饑 三十五年五月深
州靜安民及京師饑

成宗元貞二年四月平陽絳州太原陽曲台州黃巖福建
饑 大德元年六月廣德路寧海州文登牟平等縣饑
三年隨州旱饑揚州淮安等郡饑 四年二月湖北
饑寧國太平二路建康常州江陵等郡饑 六年五月
福州寧海等州杭州嘉興湖州廣德寧國饒州太平紹
興慶元婺州等郡大同建康保定等路饑 七年二月
真定路太原龍興南康袁州瑞州撫州等路高唐南豐
等州浙西常德等路俱饑 八年六月烏撒烏蒙益州

忙部東川等路饑 九年台州常寧州寶慶路揚州等
處饑 十年三月濟州任城縣漢陽淮安道州郴州黃
州沅州永州成都揚州辰州等處饑 十一年江南山
東饑

武宗至大元年春正月浙東西饑紹興慶元台州廣德建
康鎮江六路饑死者三萬六千餘饑戶四十六萬有奇
二月益都般陽濟寧濟南東平泰安常寧大饑 六
月山東河南江淮等郡大饑有父食其子者 二年七
月徐州邳州饑 三年五月東平大饑

仁宗皇慶元年六月鞏昌河州路饑 二年三月晉寧大
同大寧四川鞏昌甘肅等郡真定保定河間順寧冀寧

等路饑 六月上都饑 七年四月乙巳濟南蒙古軍
饑 延祐元年衡州台州歸德汝寧沔陽安豐等郡饑
二年正月晉寧宣德懷孟衛輝益都般陽等路湖南江
西漢陽等路饑 三年二月河間濟南濱棣等處遼東
益州及南豐州寶慶桂陽澧州潭州永州袁州道州等
處饑 四年正月汴梁温州饑 五年四月上都饑
六年八月山東濟寧饑 七年五月大同雲南豐滕諸
郡邑瀋陽路河南饑

英宗至治元年正月蘄州蘄水河南汴梁歸德安豐等路
膠州濮州南恩新州鞏昌成都般陽江西大名慶遠真
定諸路俱饑 二年三月河南滎東淮西諸郡延安延

長宜川二縣奉元東昌霸州真定臨安河西等處饑
三年二月京師平江嘉定崇明黃巖鎮江丹徒沅州黔
陽歸豐諸州俱饑

泰定帝泰定元年正月惠州新州南恩州信州上饒縣廣
德路廣德縣岳州臨安華容慶元紹興二路綏德州米
脂清澗臨洮狄道縣石州離石江陵荆門軍監利贛州
吉安臨江等郡崑山南恩冀寧延安江州安陸杭州建
昌常德全州桂陽辰州南安南康泉州中牟延津大名
等二十郡及台州俱饑 二年正月梅州英德河間真
定保定瑞州鳳翔路薊瀋徐邳等州濟南肇慶江州惠
州杭州鎮江寧國南安潯州潭州廣德袁州撫州龍興

寧夏路瓊州成州德慶延州等郡皆饑 三年大名路
諸州遼陽江東河間保定真定三路饑大都永平奉元
畿內河北山東瀋陽太寧永平廣寧金復州甘肅州集
慶諸路饑 四年正月遼陽奉符長清萊蕪二縣建康
淮安蘄州通蘇等州漁陽永清武昌江夏及京師饑
致和元年正月白馬民乾州晉寧冀寧奉元延安保定
東昌般陽彰德大寧五路河南東平大同等郡威寧長
安縣涇州靈臺等縣皆饑

文宗天曆元年十二月陝西饑人相食 庚午撫州饑有
田之家盡室殍死 二年五月大同及東勝州涿州房
山范陽奉元耀州乾州華州及延安汾寧諸縣大都興

和順德大名彰德懷慶衛輝汴梁龍興等路泰安高唐
曹冠徐邳等州江東浙西二道浙東紹興慶元台州婺
州忻州漢陽武昌常德澧州等路鳳翔府俱大饑 三
年正月寧海州文登牟平縣懷慶衡州二路真定汝寧
揚廬蘄黃安豐等郡河南東昌瀕城堂邑縣沂莒膠密
海五州臨清定陶光山等縣鞏昌蘭州定西州德州清
平等縣俱饑 至順元年泰定真定路饑 二年集慶
嘉興二郡及江陰州檀順維密昌平五州興和路高原
咸平等縣思州鎮遠府及河南俱大饑 三年永昌郡
縣大理中慶路常寧州滕州大都寶坻等縣饑 四年
元城諸縣及京畿饑饑民四十餘萬

順帝元統元年夏兩淮大饑 二年春淮西池州濟南萊蕪等縣饑 三年二月山東饑 三月浙西水旱疫饑民五十七萬二千戶 至元元年春益都路沂水日照蒙陰莒四縣及龍興路京師沅州道州寶慶邵武建寧饑 二年陝西無麥順州及淮西安豐浙西松江浙東台州江西臨撫袁瑞湖北沅州廬陽縣饑 三年大都及濟南蘄州杭州平江紹興溧陽瑞州臨江饑 五年上都開平縣桓州興和寶昌州濮州之鄆城冀寧之文城益都之膠密莒維四州遼東瀋陽路湖南衡州江西袁州八番順元等處及達達民皆饑 六年順德之邢臺濟南之歷城大名之元城德州之清平泰安之奉符

長清淮安之山陽等縣歸德邳州益都般陽處州婺州四郡皆饑 至正元年京畿州縣真定河間濟南湖南彰德及温州皆饑 二年保德州順德路平鄉及大同饑人相食 三年衛輝冀寧忻州大饑人相食 四年霸州大饑人相食東平路東阿陽穀汶上平陰四縣皆大饑保定河南亦饑 五年春東平路須城東阿陽穀三縣及徐州大饑人相食 夏濟南汴梁河南汾州瑞州温州邵武饑 六年五月陝西濟南歷城德州泰安奉符長清般陽大饑 七年彰德懷慶東平東昌晉寧等處饑 八年三月京畿及四川饑 九年春膠州大饑人相食鈞州新鄭密縣饑 十二年大名饑饑民七

十一萬六千九百八十口 十四年浙東台州江東饒
閩海福州邵武汀州江西龍興建昌吉安臨江廣西靜
江等處皆大饑人相食京師大饑有父子相食者 十
五年夏四月湖南大饑民以疫癘死者無筭上都大饑
十六年温州饑 十七年河南大饑 十八年春莒
州蒙陰縣大饑斗米金一斤京師大饑人相食彰德山
東亦如之 十九年温州饑 正月至五月京師大饑
銀一錠得米僅八斗死者無筭通州民劉五殺其子食
之保定路葦死盈道軍士掠孱弱爲食濟南及益州之
高苑莒之蒙陰河南之孟津新安澠池等縣人皆相食
二十一年霸州饑民多葦死京師大饑 二十二年

兩浙大饑 二十四年平陽州饑 二十五年温州饑

皇明

宣宗宣德八年山東旱饑

憲宗成化二十年秋七月河北燕南諸省大饑分遣大臣
賑恤 二十二年陝西大饑武功縣民王瑾等殺宿客
食之巡撫以聞 命處決梟示然此事亦多不能悉奏
二十三年丙午淮北山東大饑

世宗嘉靖三年南畿諸郡大饑人相食巡按朱衣言民迫
饑餒嫠婦劉氏食四歲小兒百戶姚臣王堂以子鬻母
軍餘曹洪以弟殺兄王明以子殺父無復人道地震霧
塞臭彌千里盜賊四起 上命戶部侍郎席書發帑藏

續文獻通考卷之二百二十一
截漕粟賑之又發帑金十五萬分賑淮鳳二府 八年
山西大饑參政王尚綱上言愍饑饉恤暴露救貧民停
徵歛信告令推糴買謹預備卹流亡八事戶部覆議行
之 九年畿內河南湖廣山東延綏榆林大饑 命部
院咨議安民之道 十四年戶部尚書梁材言蘇松淮
陽江西湖廣歲凶請改折漕糧一百十五萬石以寬民
力從之 十五年湖廣大饑巡按張表繪圖爲說以獻
請賑貸從之 十七年永平四郡饑民間有大工匍匐
就役竟多饑死城隅河澨僵屍枕藉科臣及戶部言令
宛大二邑分地查核人給太倉羨米三斗諭令回籍
十八年鄭鈞饑四月巳亥 上南巡回鑾次滎澤發行

帑白金二萬賑饑民 十九年河南鄆襄饑時聞承天
興 陵工饑民就食者餓死載道御史姚虞繪圖以聞
乞 命官倉發穀賑貸從之 四十三年北畿山東大
饑

穆宗隆慶元年蘇松二府大饑巡撫海瑞奏開吳淞江吊
取各縣無碍官銀給散工食有方全活饑民甚衆

今上萬曆十五年春夏蘇松水荒人民饑饉應去冬水水
之災 撫按奏請發粟大戶煮粥食之 十六年蘇松
二府旱荒夏米每斗一錢八分大麥每斗七分小麥每
斗一錢民鬻身無路至煮糠粃食之餓殍盈野死者十
之五 十七年蘇松又旱至秋新米每石一兩 二十

八年四月直隸巡按吳達可目擊饑饉流民做鄭俠繪圖以獻言山東荒甚不減河間似宜一體周恤樂陵高密等十四州縣量給米以賑之利津武定等三十三州縣借倉米以平糶上允行之

疫癘

宋恭帝德祐元年大疫民亡者幾半

金哀宗天興元年五月汴京大疫凡五十日諸門出死者九十餘萬人貧不能葬者不在是數

元成宗大德元年河間之樂壽交河疫死六千五百餘人武宗至大元年春紹興慶元台州疫死者二萬六千餘人仁宗皇慶二年冬京師大疫延佑七年六月京師疫

英宗至治元年冬十月真定路疫

順帝至正四年福州邵武延平汀州四郡夏秋大疫 五

年春夏濟南大疫 夏温州大疫 十二年正月冀寧

保德州大疫 夏龍興大疫 十三年黃州饒州大疫

十二月大同路大疫 十四年江西湖廣大疫 十

六年春河南大疫 十七年夏莒州蒙陰大疫 十九

年春鄆州三原縣莒州沂水日照及廣東南雄路大疫

二十年夏紹興山陰會稽大疫 二十二年又大疫

皇明

孝宗弘治八年南贛大疫 西北旱疫父子相食 東南

饑疫骨肉流離

地震

宋寧宗嘉定九年二月東西兩川地大震焉胡夷界山崩

八十里江水不通 六月西川地震黎州山崩 十年

二月地震 十二年五月西川地震 十四年春正月

雷地震

理宗寶祐三年夏五月四川地震

度宗咸淳十年冬十月閩中地震

恭帝德祐元年三月閩中地復大震

遼太宗天顯十二年地震

穆宗應曆二年十一月朔祝朝地震

聖宗統和九年八月南京地震 太平二年三月地震雲

應二州屋摧地陷鬼白山裂數百步泉湧成流

道宗清寧三年七月南京地震 咸雍四年七月南京地

震 太康二年十一月南京地震民舍多壞

金

熙宗天會十五年七月夜南京地震 天眷三年十二月

地震 皇統四年十月地震

海陵正隆五年二月陝西河東地震時問司天馬貴中等

曰何為地震中等曰伏陰逼陽所致又問震而大風何

也對曰土失其性則地以震風為號令人君嚴急則有

烈風及物之災

世宗大定四年三月夜京師地震 五年六月京師地震

續文獻通考 卷之三十三 地震 三十三 三十三 三十三

有聲自西北來殷殷如雷七月又震 七年九月地震
二十一年五月京師地震 二十七年四月京師地震
震

章宗明昌六年二月京師地震

衛紹王大安元年十一月平陽地震有聲自西北來戊戌
夜又震浮山縣尤劇城廨民居圯者十七八死者二三千人
二年二月地大震有聲殷殷然六月七月至九月晦其震不息

宣宗興定三年四月陝右黑風晝起有聲如雷頃之地大
震平涼鎮戎德順尤甚廬舍傾壓死者以萬計雜畜倍
之

哀宗正大四年六月地震

元

世祖至元元年十一月興國路地震是歲大旱 四年八
月漢陽地震 十一年八月松滋枝江地震 二十一
年九月京師地震

按傳云陽伏而不能出陰迫而不能升于是有地震世
祖聞李冶賢召問昨地震如何冶對曰天裂爲陽不足
地震爲陰有餘夫地道陰也陰太盛則變常今之地震
或奸邪在側或女謁盛行或讒慝交至或刑罰失中或
征伐驟舉五者必有一于此矣夫天之愛君如愛其子
故示此以警之耳苟能辨奸邪去女謁屏讒佞省刑罰

慎征討上當天心下協人意則可以轉咎為休矣帝嘉納之 二十六年正月黃梅地震 二十七年泉州京師地大震武平尤甚壓死官民七千二百二十人壞官府四百八十間民居不可勝計監察御史商琥上言昔漢文帝有此異而無其應蓋以躬行德化所弭也因條漢文時政以進 二十八年八月平陽路地震壞廬舍萬八百區

成宗元貞元年三月地震 大德六年十二月雲南地震 七年延安地震郃保山移所過居民廬舍皆摧壓傾圮 八月地震平陽太原尤甚壞官民廬舍萬八千區人民壓死不可勝計平陽趙城縣范宣義郃堡徙十餘

里太原徐溝祁縣及忻州平遙介休西河孝義縣地震 成渠泉涌黑沙汾州北城陷長一里東城陷七十餘步 戊申夜大震詔問致災之由及弭災之道齊履謙對曰按春秋言地為陰而王靜妻道臣道子道也三者失其道則地為之弗寧弭之之道大臣當反躬責己去專制之盛以消天變而不可徒為禳禱 八年正月平陽地震不止民屋修輒壞宮觀摧圮者千四百區道士死傷者千餘人軍民不可勝計 九年二月平陽太原地震 四月大同城震有聲如雷壞廬舍五千八百壓死者一千四百餘人懷仁縣地裂二所湧水盡黑其一廣十八步深十五丈其一廣六十六步深一丈 五月以地

震改平陽路爲晉寧太原路爲冀寧 十一月大同地震
震 十二月又震 十年正月晉寧冀寧地震不止八
月開城地震王宮及居民廬舍皆壞壓死故秦王妃也
里完等五百餘人 十一年三月道州開城路地震
武宗至大元年六月鞏昌隴西寧遠縣地震雲南烏撒烏
蒙地三日而大震者六 九月蒲縣地震 十月蒲縣
靈縣地震 二年十二月陽曲縣地震有聲 三年五
月京師地震 九月辛巳地震 十二月冀寧路地震
四年三月寧夏路地震又裂 七月甘州地震大風
有聲如雷 閏七月寧夏地震
仁宗皇慶二年六月京師地震己未京師地震丙辰又震

壬寅又震 延佑元年二月戊辰大寧路地震 四月
朔大寧地震有聲如雷 八月冀寧汴梁等路陟縣武
安縣地震 十一月大寧地震如雷河南北地震 三
年五月冀寧晉寧等郡地震 十月河南地震 四年
正月冀寧地震 七月復震 九月嶺北地震三日
五年正月懿州地震 二月和寧地震 三月德寧路
地震

英宗至治二年九月癸亥地震 十一月地震

泰定帝泰定元年夏四月地震 十二月奉元路同州地

震有聲如雷 三年十二月寧夏路地震如雷發自西

北連震者三 四年三月和寧路地震如雷 八月碯

續文獻通考卷之三百三十一
門地震有聲如雷晝晦鳳翔興元成都陝州江陵等郡
地同日震 九月寧夏地震 十一月陽曲縣地震
致和元年七月朔寧夏地震 巳卯大寧路地震 十月
壬寅又震

文宗天曆元年二月合肥縣地震 冬十月大寧路地震
至順元年八月大寧復地震 二年四月黃梅地震
越三日大雨雪雹壞民居數百區暴風揚沙石有船自
水中提至半空離岸三百里墮人家者丁亥真定武陟
縣地一日五震或三震月餘乃止 三年四月大寧地
震 八月京師隴西地震 四年四月大寧路地震
五月京師地震有聲 八月隴西地震

順帝元統元年十一月癸卯安慶潛山縣地震 十二月
饒州德興縣餘干樂平二州地震 二年五月信州地
震 八月京師地震鷄鳴山崩陷為池方百里人死者
衆 至元元年十一月興國路地震 十二月安慶路
地震所屬宿松太湖潛山三縣同時俱震廬州蘄州黃
州亦如之是月饒州亦地震 二年正月宿松地震
三年八月夜京師地震壬午又大震損太廟神主西湖
寺神御殿壁皆壞順州龍慶州及懷來縣皆以辛巳夜
地震壞官民房舍傷人及畜牧宣德府亦如之遂改為
順寧 癸未河南地震 四年春保安州及瑞州路新
昌州地震 二月奉聖州地震 七月復大震保安州

地大震 八月京師地震日凡二三至乙酉乃止密州
安丘縣地震 十二月東平東阿陽穀汶上等縣地震
至正元年二月汴梁路地震 三月冀寧路地震裂
二年四月辛丑冀寧路平晉縣地震聲如雷鳴裂地
尺餘民居皆傾仆 十二月京師地震 三年二月鈞
州新鄭密縣地震 十二月膠州及屬縣高密地震
四年七月温州地震 八月莒州蒙陰縣地震 冬十
月密州安丘縣地震 十二月東平路東阿陽穀平陰
三縣及漢陽地震 五年春蘇州地震所領四縣及東
平汶上縣亦如之 十二月鎮江地震 六年二月益
都路益都昌樂壽光三縣濰州北海縣膠州卽墨縣地

震 三月高苑縣地震壞民居 九月邵武地震翌日
地中有聲如鼓夜復如之 七年二月益都臨淄臨朐
濰州之昌邑膠州之高密濟南之棗州地震 三月東
平路東阿陽穀平陰三縣地震河水動搖 五月臨淄
地又震七日乃止 十一月鎮江丹陽縣地震 九年
六月台州地震 十年冀寧徐溝縣地震 十一年四
月冀寧路汾忻二州文水平晉榆次壽陽四縣晉寧遼
州之榆社懷慶河內脩武二縣及孟州皆地震聲如雷
震圮房屋壓死者甚衆 八月中興路公安松滋枝江
三縣峽荆門二州地震 十二年二月丙辰霍州靈石
縣地震 閏三月陝西地震莊浪定西靜寧會州尤甚

移山湮谷陷沒廬舍有不見其跡者會州公廨墻圯得
弩五百餘張長丈餘短者九尺人莫能開挽 十三年
三月莊浪定西靜寧會州地震 十四年四月汾州介
休縣地震泉湧 七月孝義縣地震 十一月寧國路
地震所領寧國旌德二縣亦如之淮安路海州亦震
十二月紹興地震 十五年六月丁丑冀寧保德州地
震 十六年春薊州地震凡十日所領四縣亦如之
六月雷州地大震 十八年二月冀寧臨川地震 五
月益都地震 十九年正月慶元地震 二十年二月
延平順昌縣地震 二十二年三月南雄路地震 二
十三年十二月台州地震 二十五年十月興化路地

震有聲如雷 二十六年三月海州地震如雷 六月
汾州介休縣地震 七月冀寧路徐溝縣石忻臨三州
汾之孝義平遙二縣同日地震有壓死者 二十七年
五月山東地震 十月福州雷雨地震 十二月又震
有聲如雷 二十八年六月冀寧文水徐溝二縣汾州
孝義介休二縣臨州保德州隰之石樓縣及陝西皆地
震 十月辛巳陝西地又震

皇明

太祖洪武五年秋七月十七日戌時建康地震大雷震死
男女十六人驢一 太祖曰此由禁網疎闊遺漏者多
故天助朕殺之時坑戮有司官吏已至三四萬人云

建文君元年京師地震御史尹昌隆應 詔上言奸臣專
政陰盛陽微之兆執政者惡之貶福寧令

仁宗洪熙元年七月南京地震

宣宗宣德元年七月北京地震 三年南京地屢震 四
年兩京地震

憲宗成化元年二月襄陽地震轟轟有聲時天雨黑黍

四月河南鈞州地震有聲二十三日方止 四年八月

癸巳辰刻京師地震有聲 四年戊子八月京師地震

五年春正月丁亥河南湖廣地震 二十年甲辰春

正月京師地震 二十一年春三月泰山屢震先是二

月丁巳四鼓微震三月壬午朔四鼓大震入夜復震丙

戌四鼓復震甲午乙未相繼震庚子連震二次有司以

聞時椒寢漸繁 上頗有易儲意而未即行內臺奏言

泰山震動應在東宮 上大驚遂止 十二年春正月

辛亥南京地震有聲 四月庚寅夜山西太原府地震

有聲 十月辛巳京師地震薊州等處地震有聲 十

五年五月乙丑常州府地震有聲 九月丙子無錫常

熟二縣地震有聲 十六年九月辛丑四川威州地震

有聲 十七年二月初十禮部奏南京江北四府山東

等府河南等府州縣俱同日地震有聲考之傳記地動

千里有大災又云春動者歲凶二月動者水災今所動

不止千里况鳳陽南京皆 祖宗根本之地宜行各處

守臣理冤抑恤孤寡以消變異廣儲畜省費用以備歲
凶濬河渠築河堤以防水患從之 二十一年三月泰
安州地再震泰山動搖

孝宗弘治八年九月南京地震 冬十一月陝西貴州地
震

嘗考是年二月洮州雨霜六月黠縣雨豆七月大雨電
八月貴州地震九月廣東潮瓊颶風暴雨十月南京地
震南贛大疫十一月貴州陝西地震十二月靖虜衛天
鼓鳴長河江西大震電禮部以聞 上令兩京文武羣
臣同加修省直言無隱於是南京戶部主事胡燿上疏
言地震之救災之小者也西北旱疫父子相食東南饑

疫骨肉流離大變也 陛下深居九重左右蒙蔽未之
知耳今李廣楊鵬引用劉良輔輩左道惑亂 聖心齋

醮費財差遣在外如虎橫行吞噬無厭士大夫昏夜乞
哀於宮宦貴戚交相賄托不以為耻言官有所舉劾瞻
前顧後苟且塞責如小吏徐珏忠義敢言 陛下誤聽

奸臣之愬置之於法御史王槐依阿罪之 陛下所以
奉行天地之事羣臣所以奉行 陛下之事者如此陰

盛陽微災異曷由以弭乞用臣言則奸佞斥而陰慝消
矣疏入人為燿危之未幾廣輦果以賍敗

胡燿字仲元蕪湖人

十四年辛酉春正月朔陝西西安府及長安等縣地震
是日朝邑縣亦震塌各衙門倉監等及軍民房屋共五

續文獻通考 卷之三百三十一
千四百八十五間壓死大小男女一百七十名口傷者
九十四名口壓死頭畜三百九十一頭隻又本縣正東
安昌里等十九處遍地竅眼湧出水深淺不等震開裂
縫長約或一二丈或四五丈又蔡家堡嚴伯村等四處
湧水幾成河巡按御史燕忠以聞兵部尚書馬文升上
疏云考之古典地震乃臣不承于君夷狄不承于中國
之兆歷代固有地震未有震于正月朔日者亦未有震
開而裂水將成河者此乃非常之異古今所未見者也
伏望 陛下祇畏變異修省克責行仁政以安養斯民
重臺諫以廣開言路府庫之金幣重為樽節以備緊急
之用無益之齋醮暫免修設以省浪費之繁念錢糧之

虛空止傳奉無例之官憫畿民之艱 有禁奏討有礙之
地遵 聖祖之訓每清晨視朝法 列聖之規日奏事
二次疏入 上大喜有 旨覽奏具見忠愛之意視朝
奏事朕自加省織造絨褐內官便取回其餘都准行
十年丁巳夏五月京師風霾各省天鳴地震 詔求直
言

武宗正德元年丙寅春正月天鳴地震 夏六月震 郊
壇及 太廟 奉天殿 五年七月四川威茂潼川等
處皆地震有聲如雷 六年十一月京師地震

世宗嘉靖二年春正月應天鳳陽山東河南陝西地震給
事中黃臣言太監蕭敬久竊重柄復開傳乞之門地震

續文獻通考卷之三百二十一
之變職由斯人乞速竄逐不報 二年十二月地震目
下弦起雷雪連日夜不絕至元旦地復大震 十一年
正月十八日青州府地震聲吼如雷十九日雲南尋甸
軍民府六涼衛地震倒塌城墻房屋 夏四月十五日
雲南雲南府地震 六月二十五日陝西隆德縣地震
如雷 秋九月十七日福州府地震 二十一日寧夏
衛地震 十二年癸巳春正月隆慶右衛地震如雷
威川州地震亦如雷 十八年六月丁酉雷震 奉天
殿 二十三年三月朔山西太原等處地震有聲者十
日 二十四年遼東海寧衛地震有聲如雷 二十七
年秋七月京師地震八月京師地屢震 詔求直言

三十四年十二月山西陝西河洛同時地震蒲州等處
尤甚或地裂泉湧或城房屋陷入地中或平地突成山
阜或一日連震數次或累日震不止河渭泛華岳終南
山鳴或移數里河清數日壓死奏報有名官吏軍民八
十二萬有奇致仕南兵書韓邦奇光祿卿馬理祭酒王
維禎同日死焉其不知名未及經奏報者復不可勝計
三十六年十二月兗州地震 三十七年五月潮州
蒲州地震 秋七月河南南陽府地震 三十九年竹
谿縣地震出血 夏四月寧夏地震 嘉興湖州地震
屋廬搖動如帆河水撞激魚皆躍起 六月香山新會
縣地震有聲

穆宗隆慶元年四月平虜衛地震 二年四月西安府地震如雷塵灰蔽天垣屋欹側涇陽咸陽高陵城無完室人畜死傷甚多何起鳴條陳納諫恤災邊防守令實政聖德六事乞蠲二年稅糧報可 二年戊辰春正月初六日山西太原府地震有聲從西南方起往東北去榆林衛地震有聲 初八日子時保寧堡城東北角旗竿上火灼灼聲響初四日河南懷慶府地震及襄城縣新安縣裕州南陽府等十三州縣寧夏後衛襄陽府鄖陽府俱震 三月陝西慶陽府西安府及臨潼一帶地震倒塌城池房屋壓傷人口鳳翔府亦是日夜戌時震二次有聲 是月初四日寧夏倒塌邊牆二百餘丈崩開

九丈 初五日未時淮慶府天鼓鳴三次 又戌時漢中府及所屬南鄭等縣地震次日卯時落雨沾衣為泥十五日辰時落雨至申時凍結成雪本日地震倒塌東北城角十二日丑時又震塌西城梁頭 又山西安邑縣地震蒲州地震初四初五連震有聲從西北來往東南方去 是月二十八日遵化及昌黎縣盧龍縣順義縣玉田縣遷安縣豐潤縣石門寨山海關界嶺口無錫縣俱地震其聲如雷 夏四月二日京師地震 詔災變非常果宜知警事于朕躬重加修省爾文武大小羣臣各勉職業毋務虛文 是月十九日陝西興平縣地震多損傷人畜房屋者咸寧縣地名霸橋柳巷涇陽縣

地名回軍永樂各村鎮俱倒塌如平地壓死朱仲良陳朝元等二百餘人 時禮部尚書高儀奏云自今歲正月以來地震星隕水雹神妖旗竿出火天鼓鳴響不止四五十處而地震尤爲重大有一日而數省同震有一震而經月不息乞加警念 上嘉納之 詔兩京及被災地方百官修省俱青衣角帶視事 三年十一月密雲遵化縣地震有聲如雷 京師地震有聲 詔百官修省三日青衣角帶辦事 癸未山西山陰縣地震 四年四月京師地震 九月遼東廣寧城地震 五年正月山東東昌府觀城朝城二縣地震 六月京師地震三日 詔百官青衣角帶辦事修省三日 七月陝

西西安府地震 八月雲南通海衛地震有聲如雷人畜廬舍多傷是日曲江至臨安地震 九月山西太原府地震 十月陝西西安府地震二次密雲縣地震 六年閏二月河東運司地震

今上萬曆二十二年九月山東巡按朱興祖奏開原三萬遼海二衛地極北本月十三日巳時有聲自西北起殷殷如雷其聲漸近直達窓櫺頃之屋宇動搖墻屋欹側有顛圮之勢 十一月應天巡撫朱鴻謨奏本月二十日蘇州府地震 二十三年正月初五日寅時松江府治西方起由東南至西南方止雷鳴地大震至三刻止民間房屋什物俱各動搖 欽天監揭稱五月二十五

日丁酉巳時分候得 京師地震自西北乾方來徐徐
 往東南行連震二次 十一月陝西巡撫呂鳴河奏固
 原州于九月十九日地震有聲 十二月山西巡按時
 偕行奏十月二十九日太原府地方地震有聲 二十
 四年正月浙江巡撫劉元霖奏二十三年十一月初八
 日嘉秀二縣地震有聲 十二月二十六日陝西地方
 地震若雷巡撫奏聞 二十五年八月四川巡按王明
 奏地方災異事該威茂兵備道副使馬伋呈據茂州報
 稱二十四年十二月二十八日巳時地震據石泉守備
 胡汝寧報稱石泉城于十二月二十六日申時地震一
 次二十八日巳時大震一次其聲如雷周圍城垣倒裂

軍民驚駭本年正月初一微動二次初二日子時大動
 二次其聲如雷房屋俱動自西北來東南去又該威茂
 兵備道報稱茂州于本年五月十一日寅時地震從東
 南來西北去房屋俱動又據保縣堡坐鎮指揮鈕光彩
 報稱同日地震又據松潘南路叅將王慶吉報亦相同
 禮科署科事給事中項應祥奏地震事于本月二十
 六日晨起櫛沐間忽見四壁動搖窓櫺曼曼有聲移時
 始定正在驚駭及入垣辦事復據長安承天等門守衛
 等官包宗仁等稟稱本日卯時 皇城内外地動從西
 北起往東南連震三次乃止 九月薊遼總督邢玠奏
 地震事遼東殷家湖等處地震異常俱奉 聖旨上天

示傲自朝殿以來朕在宮中加意靜攝務竭虔誠祇回天意今復京師地震實上天仁愛不已朕心愈切省惕覽卿等所奏事關朕躬的知道了其大小臣工務要秉公除私忠心盡職以濟時艱共消弭變毋恃口吻虛文

二十六年正月元旦地震寧夏等處 初二日福建福州府長樂縣河南灣地方陷去地基五十丈零深五尺不等倒塌房屋四十四間壓死老幼男婦六口 二十七年四月薊遼總督邢玠奏永平府屬地震九月又奏灤州盧龍撫寧樂亭昌黎遷安等縣建昌等營各地震自西北起東南去訖響聲如雷連動二次 十八年禮部據欽天監揭二月初四日寅午時候得京師地震起自東北艮方來徐徐往西南方行連震二次 十月福建巡撫金學曾奏漳南道于八月二十二日戌時地震響聲如雷又二十三日夜戌時地震灣城官舍民房傾倒壓死陳二黃森張德婦女吳氏等六命自戌至卯連震六七次二十五日復震上杭武平等縣續報皆同又福州興化泉州延平建寧汀州邵武等府福寧等州陸續各報二十三日戌時震起亥時復震有聲二十四日酉時連震三次

續文獻通考卷之二百二十二

皇明進士雲間王圻纂輯

物異考 山崩至恒寒

山崩

宋孝宗紹熙四年秋南嶽祝融峯有山自摧

度宗咸淳元年天目山崩餘杭民溺死者無筭

元

世祖至元六年九月奉化州山崩水湧出平地溺死人甚

衆松陽龍泉二縣水漲入城中深丈餘溺死五百餘人

道昌縣尤甚平地三丈餘桃源山崩壓溺民居五十三

家死者三百六十餘人

續文獻通考 卷之二百二十二
成宗大德元年衡州鄱縣山崩 十一年三月道州營道縣暴雨山裂百三十餘處

武宗至大三年荆襄大水山崩壞官民廨舍二萬一千八百餘楹死者二千四百餘人

仁宗延佑二年夏四月成紀縣山移是夜疾風電雹北山南移至夕河川次日再移平地突出土阜高者二三次陷沒民居 四年七月成紀縣山崩土石潰徙壞田稼廬舍壓死居民甚衆 五年二月泰安縣山崩 五月隴西縣山崩 七月寧遠縣山崩 六年八月伏羗縣山崩秦州成紀縣暴雨山崩朽壤墳起覆沒畜產 英宗至治二年十二月朔南康建昌大水山崩

泰定帝泰定元年八月成紀縣大雨山崩水溢壅土至來谷河成土阜 四年八月鞏昌通渭縣山崩天全道山崩石斃人

順帝元統元年鞏昌徽州山崩 九月秦州山崩 十月鳳翔山崩 十一月鞏昌成紀縣地裂山崩辛亥秦州

地裂山崩 至元二年五月秦州山崩宿松山裂 四年六月信州路靈山裂丙辰鞏昌府山崩 六年六月秦州成紀縣山崩地裂 至正二年六月濟南山崩

七月惠州雨水羅浮山崩凡二十七處壞民居塞田澗 三年六月秦州奉安縣南坡崩裂壓死人畜 七月鞏昌山崩人畜死者甚衆 六年六月廣州增城縣羅

浮山崩水湧溢溺死者百餘人 七年五月河東地拆

泉湧崩城陷屋傷人民 八年廣西山崩 九年靖海

寧州山巖俱裂湧水人多死者 七月泉州大風雨永

春縣南象山崩壓死者甚衆 十年五月龍興寧州大

雨山崩數十處丙寅瑞州上高縣蒙山崩 十月泉州

安溪縣侯山鳴 十二年十月霍州趙城縣霍山崩湧

石數里前三日山鳴如雷禽獸驚散 十三年七月汾

州白彪山拆 十五年四月寧國敬亭麻姑華陽諸山

崩 十七年十月靜江路城東石山崩 十二月慶元

路象山縣鷲鼻山崩有聲如雷 二十六年三月贛榆

縣吳山崩 六月沂水山崩紹興山陰縣卧龍山崩

七月泉州同安縣大雷雨三秀山崩是月河南鞏縣大

霖雨地震山崩 十一月華州蒲城縣洛岸崩壅水絕

流三日 十二月華州蒲城縣洛水和順崖崩其崖戴

石有岩穴可居是日壓死避亂者七十餘人 二十七

年六月沂水山石崩裂有聲如雷 七月靜江靈川縣

大藏山石巖崩 二十八年龍興靜安縣山石迸裂湧

水人多歿者 六月忻州蒙昌山有巨石大如屋崩裂

墜地聲震如雷 七月廣西靈川縣臨江石巖崩

皇明

成祖永樂中山東濱州妖嬪唐賽兒祭夫墓還山石裂露

一石匣啓得寶劍妖書通曉其術惑衆聚徒謀反後捕

得之竟從獄中逸去官吏將校皆伏誅

英宗正統八年冬十一月浙江紹興山移于平田 是年
陝西二處山崩壓折人家數十戶一應山叫三日移數
里時畏王振不敢奏

孝宗成化八年七月陝西隴州大甯州北有山吼三日裂
成溝長半里 庚子五月雲南麗江軍民府巨津州白
石山約長四百餘丈去金沙江二里許一日山忽裂分
其半走金沙江中山上木石依舊江水壅塞淹田漂廬
府州具報察院以聞時滇中邊報日急識者以為山徙
之兆 十六年六月長樂縣平地起小阜人畜踐之輒
陷明年尋湧起一高山占者云武后時曾有此異乃女

主為男之兆時 裕陵宮人萬氏 冊為貴妃每侍

宸遊戎服男飾以從此其應與

世宗嘉靖二十六年十二月十四日陝西澄城縣麻坡山
界頭嶺晝夜大吼如雷至二十七日夜山忽中斷百丈
移走東西三里南北五里

穆宗隆慶四年八月浙江湖州府山崩成湖

今上萬曆二十七年九月狄道山崩成坑更於平地湧出
大小山五座

地陷

元順帝至正十七年冬十月靖江地陷

皇明

世宗嘉靖四十二年北京觀象臺忽崩陷時雷尚書禮覓臺四圍並無餘土更不知土從何去三日後訪知臺土移填於城外某潭潭且夷矣

穆宗隆慶二年樂亭縣地名劉下庄地裂一處寬一尺長三丈又迤東地裂一處寬一尺長一丈又地名揚鑾坨地裂一處寬一尺長三丈各湧黑沙水出 五年辛未春三月廣西布政司後街 宗室住宅忽地陷一丈寬二丈餘又 王府大街地陷二丈深廣數尺又布政司後堂地陷四尺橫二丈五尺直一丈六尺餘 今上萬曆十四年保定府一村庄墻忽崩中有弓箭刀劍之類

地生異物

金哀宗正大七年十二月新衛北三里許有影在沙上如舊城衛州城狀寺塔宛然數日乃滅

皇明

憲宗成化十三年二月甲午浙江山陰縣地忽湧泉如血高尺餘

世宗嘉靖四十四年浙江慈谿縣民家地湧血尺餘 江西廬山田中湧血數畝亦高尺餘 三十七年浙江東陽縣民張思齊家地裂五六處各湧血如線高尺許疑為片人就食之掘地無所見撫按上狀 三十九年竹谿縣地震出血

今上萬曆二十六年九月浙江巡撫劉元霖奏地方災異
蕭山縣賈大經家灶前地下湧出鮮血約高尺許

青青青祥

金章宗太宗二年七月癸丑申刻日上有氣內赤外青須
臆乃散

皇明

今上萬曆二十九年忽見昭應寺藏經閣上大小瓦獸共
六個各口吐青氣一道冲天半時方散

赤青赤祥

遼道宗時皇太叔重元將舉兵反帳前雨赤如血識者謂
敗亡之兆果敗死

金太祖爲祥穩時温都部跋忒殺唐括部跋葛穆宗命太
祖伐之太祖入辭謂穆宗曰昨夕見赤祥此行必克敵
遂行果克之

世宗未卽位時居貞懿皇后喪一日方寢有紅光照室

章宗明昌二年十二月丙辰北方微有赤氣 泰和三年

十月戊戌日將沒色赤如赭甲申酉時天色赤將旦復

然 五年九月戊子戌時有赤氣如火出黑雲間自西

北左旋至東南皆赤中有白氣乍見爲風雨而散二更

初復有赤氣起黑雲間自西北左旋至東南往來遊曳

有白氣數道時復出沒其赤氣又滿中天約四更散

宣宗貞祐三年二月丁巳日初出赤如血將沒復然 元

光元年十一月丁未東北有赤雲如火

哀宗天興三年正月巳酉日大赤無光

元世祖中統二年春正月辛未夜東北赤氣照人大如席
順帝元統二十三年十月丙申朔大名路抵青齊一方有
赤氣照耀千里 至正五年四月鎮江丹陽縣紅霧草
木葉及行人衣裳皆濡成五色 二十一年昆明縣玉
案山下產赤小犬色如火羣吠遍野

皇明

世宗嘉靖十九年夏四月黃霧四塞俄變紫赤色忽暴風
從西起坊柱皆折 上曰此異凡三見矣占曰兵喪西
北邊防不可不慎 癸未四月真定無極縣有芒氣自

西北來先紅後黑咫尺不辨人折大樹無筭鷄犬亂鳴

四十年五月晦日赤虹二道自西北經東南亘天

穆宗隆慶二年四月萬全都司有空中赤黑二雲相聞
今上萬曆十九年八月浙江巡撫常居敬奏據巡視海道
葉分等呈稱寧波府慈谿縣申本縣八都二畝里長陸
涑本月十九日未時有民人邵二五等駕船于八都茅
家浦口載稻內翁文行曲江塗適見紅血從草湧出約
有八處大如面盆高尺許標起血星濺到船上致人足
上足亦出血約有半時方止

黃青黃祥

章宗承安五年十月雲色黃而風霾

宣宗貞祐三年十月西北有霧氣如積土至二更乃散
哀宗至大元年正月上初視朝尊仁聖慈聖二皇太后是
日大風昏霾不見日黃氣塞天人以為壬辰癸巳之兆
皇明

穆宗隆慶元年四月京師黃塵四塞 三月癸亥黃霧四
塞

白雉白祥 天雨毛 地生毛

金世宗大定五年六月地生白毛 十四年八月白龍見
於御帳之東 二十年五月京師地生黑白毛 二十
二年五月地生白毛 二十九年五月地生白毛
章宗明昌元年二月地生白毛

衛紹王大安二年三月北方有黑氣如堤內有白氣三似
龍虎之狀 十月東北西北每至初更如月將出之狀
明至夜半而滅經月乃已

宣宗貞祐元年十月夜有白氣二衝紫微而不貫 十二
月白氣東西竟天移時散 興定元年十二月北方有
白氣廣三尺餘東西亘天

哀宗至大三年三月省前有氣微黃自東北至西南其狀
如虹中有白物十餘往來飛翔又有光倏忽如二星移
時乃滅 四年六月有白氣經天或云太白入井

元世祖至元二十七年五月大名路有白氣二道
仁宗皇慶元年丁卯雨毛 二年八月黃梅縣天雨毛

順帝元統二年正月彰德路天雨毛如線而綠 至正十

八年四月山東天雨白毛 十九年八月安仁恠物見

空中白色頭黑尾銳雷震忽失所在 二十五年五月

京師天雨毛 二十七年五月朔白氣亘天山東天雨

毛

皇明

英宗正統八年浙江地動生白毛

憲宗成化十五年五月乙丑常州府地震生白毛 二十

一年春正月甲申朔刻有火自中天西墜化白氣復

曲折上騰聲如雷踰時復有大星赤色自中天西行近

濁尾跡化白氣曲曲如蛇形久之如雷震地

世宗嘉靖七年戊子冬十二月望白氣亘天津起乾指坤

八年秋七月長庚氣如匹布亘天

今上萬曆十九年三月陝西巡按御史周盤奏邊鎮孤懸

灾異迭見等事二月初五日白氣傍月光內穿閣上瓦

獸吐黑氣 初十日亥時遙見天上白氣一道從西南

乾方起至東南巽方止傍月光內穿過半時方散

黑青黑祥

金衛紹王大安元年四月北方有黑色如大道東西竟天

至五更散

宣宗貞祐元年八月將曙大霧蒼黑跬步無見 三年六

月有黑氣廣如大路自東南至西北其長竟天 四年

續文獻通考 卷之二百三十三
正月旦黑霧四塞巳時乃散 興定三年四月癸未陝
西黑氣晝起有聲如雷

哀宗至大二年正月甲申有黃黑之祲
元

世祖至元七年四月壬午檀州隕黑霜 大德十年二月

大同路暴風大雪明日雨黑沙陰霾牛馬多斃死

仁宗延祐七年八月益津雨黑霜 癸亥十月六日甲子

先一夕因晉邸入繼大統告祭太廟之頃陰風北來殿
上燭燈皆滅良久方息蓋攝祭官銜失也先帖木兒等
皆弒君之元惡也

順帝至正元年四月彰德有赤風自西北來忽變爲黑晝

晦如夜 十二年荆門天雨黑雪 十三年春正月二

十三日黑氣亘天雷電以雨有物若果核與雨雜下五
色間錯光瑩堅固破其實食之似松子仁人皆曰婆娑

樹子至閏月十二日復雨三月十八日杭州亦雨如湖

州郡人初不以爲意及九月十日紅巾犯省治雨核之

地悉被兵火屋宇如故二十六日湖州陷儀鳳橋四向

焚戮特甚雨時橋四向視宅處獨多後聞池州亦然池

州之禍尤慘 冬袁州路每日暮有黑氣環遶郡城

十五年湖廣雨黑雪 十六年正月二十三日日入時

平江在城忽望東南方軍聲且漸近驚走覘視他無所
有但見黑雲一簇中彷彿皆類人馬而前後火光若燈

燭者莫知其筭迤邐由西北方而沒惟葑門至齊門居民屋脊龍腰悉揭去屋內牀榻屏風俱仆醋坊橋董家雜貨舖失白米十餘石醬一缸不知置之何地 十七年正月己丑杭州降黑雨河池水皆黑 十八年三月辛丑夜大同路黑氣蔽四方有聲如雷頃之東北有雲如火交射中天遍地俱見火光空中如有兵戈之聲七月乙亥京師黑霧昏冥不辨人物自旦近午始消如是者旬有五日 二十八年七月乙亥黑氣起百步內不見人從寅至巳方息

皇明

太祖洪武十年丁巳春正月丁酉夜雨黑水如墨汁池水

皆黑浙江金華處州諸境皆有之占云黑靄露下天下
寃

憲宗成化十二年丙申秋七月庚戌京師黑靄見兼旬始息是青也黑而小金睛修尾狀類犬狸先從西北隅起時坊巷細民家男女夜多露宿忽見有物負黑氣一片而來或自戶牖入雖密室亦無不至至則人昏迷或手足或頭臉或腹背皆被傷傷亦不甚痛人莫敢言數日遍城驚擾入夜家操刃張燈自防見有黑氣來輒鳴金擊鼓以逐之巡城御史以聞一日 上御奉天門侍衛忽驚起兩班遂喧亂 上欲起太監懷恩按之頃之乃定

世宗嘉靖四十三年六月十四日黑虹見北方占曰兵象
至十二月虜果犯京城 四十五年三月 上不豫久
御西內恩成宮時有黑氛出擾而披欄藻井上忽見
木綿數團 上心疑之 命內臣慎火尋又曰宮孽有
謂壬寅狂死者所爲其藍田玉等獄 命速訊成之
穆宗隆慶六年四月浙江省城黑霧中一物蜿蜒如車輪
目光掣電冰雹隨之瓦屋皆震林中鳥雀擊死無筭

恒雨

宋寧宗嘉定九年浙東西大霖雨二十餘日郡縣爲災
十一年六月浙西大霖雨至十五年十六年亦然 十
六年五月湖北霖雨鄂州江湖合漲城市沉沒累月不

洩

理宗寶慶二年三月久雨四月八月亦然 三年七月久
雨命臨安守臣禱于天竺山 端平二年霖雨害稼命
近臣禱于天地宗廟社稷及宮觀嶽瀆等
度宗咸淳十年八月大霖雨水湧安吉臨安餘杭民溺死
者無筭

遼聖宗統和元年九月南京霖雨害稼至九年六月亦然
十一年六月大雨 二十七年七月霖雨 開泰六
年六月德妃蕭氏賜死葬兔兒山西後數日大風起塚
上晝晦大雷電而雨踰月乃止

道宗咸雍二年四月霖雨 四年南京霖雨 太康八年

七月南京霖雨時蕭文知易州霖雨不止為文禱之隨
霖

金太宗天會二年曷懶移鹿古水霖雨害稼 秋泰州潦
害稼

章宗明昌元年七月大雨傷稼 四年五月霖雨命有司
祈晴 五年七月陰雨連日至丙戌天壽節開霽

衛紹王大安二年六月雨不止
宣宗興定元年七月霖雨

哀宗天興二年六月欲遷蔡發自歸德連日大雨平地水
數尺軍士漂沒

元

世祖至元七年八月辛卯保定路霖雨傷禾稼 九年六
月丁亥京師大雨壞墻屋壓死者衆 十年霖雨害稼

十二年河間霖雨傷稼 二十年六月武安大雨
二十四年真定等路霖雨害稼屋壞壓死者衆 六月

霸州益津縣霖雨害稼 九月太原河間河南等路霖
雨害稼東京靜巖威之婆娑等處大霖雨害稼沒民田

二十五年七月保定郡霸滹二州淫雨害稼 八月
嘉祥魚臺金鄉三縣淫雨 九月莫獻二州淫雨 二

十六年六月濟寧東平汴梁濟南順德真定平灤棣州
霖雨害稼 二十八年八月大名清河南樂諸縣霖雨

為災 九月河間淫雨

成宗大德二年秋七月大雨河決 五年八月霖雨灤滹
泲汝水溢 十月濟南濱棣泰州等霖雨害稼楊泰滁
壽光隨荆門峽州霖雨 六年霖雨 七年七月平江
等十五路淫雨害稼 八年濬滑霖雨大名境內咸被
水

武宗至大元年秋七月真定淫雨 二年七月德州淫雨
三年大名路霖雨傷稼 四年七月河間順德大名
彰德廣平等路德濮恩通等州及河東祁縣霖雨害稼
五年六月二十三日平陽颶風暴雨沿江田禾淹損
大半 六年二月曹濮二州霖雨害稼 七月霸州文
成縣霖雨害稼三十餘頃

英宗至治元年江州贛州淫雨安陸雨七日江水大溢被
災者二千五百人 二年閏五月安豐路雨傷稼 三
年五月大名魏縣淫雨保定定興縣濟南無棣厭次縣
濟寧碭山河間齊東縣霖雨害稼

泰定帝泰定元年濮州等處淫雨深丈餘 七月真定廣
州廬州十一郡雨傷稼德州曹州淫雨水深丈餘漂沒
田廬 八月汴梁考城儀封濟沾化利津等縣霖雨損
禾稼

明宗至順四年京畿大霖雨水平地丈餘

順帝至元二年五月乙卯南陽鄧州大霖雨自是日至六
月甲申乃止 三年六月衛輝路淫雨京師大霖雨自

辛巳至癸巳不止御河沁渾河水皆溢没人畜田廬甚
 眾壬辰彰德大水深一丈 至正二年秋彰德路霖雨
 三年四月至七月汴梁路滎澤縣鈞州新鄭密縣霖
 雨害稼 四年夏汴梁蘭陽縣許州長葛鄆城襄州睢
 州歸德府亳州之鹿邑濟寧之虞城淫雨害蠶麥禾皆
 不登 四月淫雨河溢決白茅金隄曹濮濟兗皆被灾
 八月淫雨益都饑民有相食者 五年夏秋汴梁祥
 符尉氏洧川鄭州鈞州亳州久雨害稼二麥禾荳俱不
 登河間路淫雨妨害鹽課 八年五月京師大霖雨都
 城崩圯鈞州新鄭縣淫雨害麥 九年七月高唐州大
 霖雨壞官署民居歸德府淫雨浹十旬 十年二月彰

德路大雨害麥 十四年四月吉安霖雨洪水驟至平
 地數丈漂沒民居田產 十九年岳州大雨經八十日
 二十年七月益都高苑縣陝西澠池縣大雨害稼
 二十三年七月懷慶路河內修武武陟三縣及孟州淫
 雨害稼 二十四年秋密州安丘縣大雨 二十五年
 秋密州安丘縣潞州汴梁許州及鈞州之密縣淫雨害
 稼 二十七年秋彰德路淫雨

皇明

今上萬曆十五年蘇松等處自五月六月七月久雨禾黍
 花荳悉皆淹沒 二十四年浙江巡撫劉元霖奏杭嘉
 湖三府七月淫雨連綿苗秧淹沒八月以後大雨如注

狂風交作經數日夜不息迄至閏八月終尚未開霽以致山洪暴發河流橫溢廬舍傾圮圩岸頽潰四顧郊原並成巨浸 二十八年七月十八日至二十二日興化莆田等縣大雨連作五晝夜城垣橋梁堤岸傾圮殆盡福安連江等處亦大雨三晝夜官舍民廬塌潰者十之七八 二十九年自春及夏蘇松嘉湖等處淫雨不止二麥浸爛江湖水溢秋禾不能栽種

天雨異物

遼道宗咸雍四年六月西北路雨穀方三十里
金世宗大定十二年三月庚寅雨土 十六年三月戊申雨豆於臨潢之境其形銳而赤食之味頗苦 二十三

年三月乙酉氛埃雨土

哀宗天興三年正月己酉京索之間雨血十餘里是時蔡城陷金亡

元

世祖至元二十四年諸王薛徹都部雨土七晝夜沒歿牛畜

成宗元貞二年處州天雨米黑色 大德十年六月大同

平地縣雨沙黑羶斃牛馬二千

仁宗皇慶元年六月丁卯雨毛 二年八月黃梅縣天雨毛

英宗至治三年二月丙辰雨土

泰定帝致和元年三月壬申雨霾

文宗天曆二年三月丁亥雨土霾 至順二年三月丙戌

雨土霾

順帝元統二年正月庚寅朔河南省雨血是日衆官晨集
忽聞燔柴煙氣旣而黑霧四塞咫尺不辨腥穢逼人逾
時方息及行禮畢日過午驟雨隨至霑洒堊墻及裳衣
皆赤 六月彰德雨白毛 至元三年三月天雨線
四年四月辛未京師雨紅沙晝晦 至正元年礮嘉縣
天雨鉄民舍山石皆穿人物遇之皆斃 五年春庚寅
信州雨土 十一年十月衢州東北雨米如黍 十一
月建寧浦城縣雨黑子如稗實邵武大雨震雷雨黑黍

如蘆稜信州雨黑黍鄱陽縣雨菽豆郡邑有民取而食
之 十二年湖廣雨粉針民家門戶壁柱之間有粉痕
如針樣無數 十三年秋七月丁卯泉州雨白絲 十
五年春蘇州雨血 十六年七月延安路鄜州雨白毛
如馬鬃屬邑亦如之 十七年四月冀寧榆次縣雨白
毛如馬鬃 七月象州雨白絲 十八年五月益都雨
白毫冬衢處等州雨黑黍內白如粉草木皆萌芽吐花
十九年三月興化路連日雨毫 二十五年五月甲
子京師雨毫長尺許如馬鬃或言于帝曰龍鬚也命拾
而祀之 六月戊申京師雨魚時大雨魚隨雨而落長
尺許人取而食之 二十七年五月益都雨白毫 丙

午八月辛酉上海縣浦東俞店橋南牧羊兒三四聞上
恰恰有聲仰視之流光中隕一魚刺成二創其狀不常
見自首至尾根僅盈尺似濶而短是日晴無陰雲亦
無鵬鶴之類甚可怪也日將哺縣市人聞然指流星自
南投北卽此時也橋下一細民家欲取烹食其妻盥而
藏之來者多就觀焉或曰志有云天隕魚人民失所之
象二十一年昆明縣天雨鐵傷禾稼民居半圯
皇明

憲宗成化元年二月天雨黑黍於襄陽 十三年丁酉春

山陰雨血射人 夏六月京師雨錢

孝宗弘治庚戌三月陝西慶陽府雨石無數大者如鵝鴨

卵小者如鷄頭實皆作人語說長短 八年二月洮州

雨霜 六月鞏縣雨豆

世宗嘉靖六年丁亥五月甲午京師雨錢 秋七月壬辰

南京雨血 二十一年象山縣雨黃霧行人口耳皆塞

穆宗隆慶二年四月御史周弘祖言天雨黑豆 又漢中

南鄭縣雨土

甘露

宋太宗祥符六年春三月鹿邑太清宮甘露降

徽宗宣和七年甘露降

高宗紹興三年知撫州郡高衛言甘露降於撫州祥符觀

爲圖上之 十九年湖廣甘露降

遼穆宗應曆十四年四月黃龍府甘露降

聖宗統和九年八月東京甘露生

道宗大安九年四月興中府甘露降遣使祠佛飯僧

金熙宗天會十三年四月甘露降于熊岳縣

元順帝至正六年八月龍興進賢縣甘露降 二十年十

月國子監大成殿松柏樹上甘露降

皇明

太祖洪武二年巳酉冬十月甲戌膏露降於乾清宮後苑

蒼松之上光潤如酒凝結如珠肪白飴甘露彌布松柯

四年辛亥冬十月甘露降于鍾山沾潤草木瑩若凝脂

美若醍醐 五年冬十一月甘露又降越明年仍降如

初

成祖永樂十七年巳亥十一月甘露復降于 孝陵之松

栢凡四日凝為玉脂融為瓊液粲若垂珠聯若編貝其

芳香之氣甘美之味旁達莫可擬倫時 仁宗為太子

監國遣人採獻 成祖祇薦 宗廟 頒賜百官

憲宗成化六年庚寅春甘露降于郊壇松栢 上親御齋

宮取以 賜百官大學士彭時翰林學士尹直撰甘露

頌以進

世宗嘉靖七年春正月甲戌朔甘露降長泰縣 九年庚

寅冬十二月巳卯甘露降于 顯陵守臣以聞 明年

正月辛卯 上親製欽天記頌 十七年春甘露降龍

溪縣巡按奏進 上以 賜各部大臣 四十一年壬戌甘露降于承天 皇陵之松樹時鎮守太監張方以獻 世宗悅群臣稱賀仍遣成國公朱希忠往承天祭告 陵寢其承天分守叅議及知府太監各賞銀有差

恒賜

宋寧宗嘉定十四年兩浙旱浙東尤甚

理宗嘉熙四年處州福建大旱 淳祐七年夏六月己酉

旱 十一年閩旱 寶祐元年閩旱 五年處州旱

度宗咸淳十年閩旱長樂福清二縣爲甚處州亦旱

遼

穆宗應曆十二年五月旱命左右以水相沃頃之果雨

十六年正月以歲旱泛舟於池禱雨不雨舍舟立田中

禱乃雨 十七年四月射柳祈雨復以水沃羣臣

景宗保寧元年五月旱射柳祈雨 七年四月旱

興宗重熙九年六月旱射柳祈雨 十五年楊桔爲定武

軍節度使時亢旱視事夕大雨民歌之曰何以蘇我上

天降雨誰其撫我楊公作主

道宗咸雍二年七月以歲旱賑山後貧民 十年四月旱

太康六年五月以旱禱雨命左右以水相沃俄而雨

降

天祚帝乾統元年四月旱 八年六月旱射柳祈雨 時

蕭文知易州大旱百姓憂甚爲文禱之輒雨

金

熙宗天眷三年六月大旱使蕭彥讓田穀決西京囚

世宗大定四年五月旱癸卯勅有司審冤獄禁宮中音樂

放毬場役夫詔禮部尚書王競禱雨于北獄壬子雨

九年六月以久旱命宮中毋用扇庚子雨十二年四

月旱十六年五月中都河北山東陝西河東遼東等

十路皆旱二十年七月旱又夏旱俾長安令取太

白湫水時完顏宗道知京兆府步迎于遠郊及城雨是

歲大稔人以爲精誠所感

章宗明昌元年夏旱二年五月桓撫等州旱秋山東

河北旱三年秋緩德旱承安元年自正月至五月

不雨命徙市乃雨詔復市如常二年自正月至四月

不雨四年五月旱泰和二年四月旱五年夏旱

衛紹王大安二年四月山東河北大旱三年三月山東

河北河東諸路大旱崇慶元年七月河東陝西山東

南京諸路旱二年陝西河東大旱至寧元年七月

以河東陝西諸處旱遣工部尚書朶剌斡祈雨於嶽瀆

三年四月自去冬不雨至於是月四年七月旱興

定四年六月旱五年三月以久旱詔中外仍命有司

祈禱元光元年四月京畿旱

哀宗正大三年四月旱天興二年六月自歸德遷蔡連

日大雨及蔡始晴復大旱四月識者以爲不祥

世祖中統元年澤州潞州旱 三年五月東平州濱棣二
州旱 四年八月真定郡及洛滋等州彰德路旱十一
月東平大名等路旱 至元元年二月東平太原平陽
旱分命西僧禱雨 三年夏黃州旱婺州春不雨至秋
八月十二日西京北京益都真定東平順德河間徐宿
邳旱 三年京兆鳳翔旱 四年順天東鹿縣旱 秋
八月邵武大旱 五年十月京兆大旱真定旱 六年
澧州雲內東勝及廣平路旱 七年三月益都登萊旱
七月山東諸路南京河南兩路旱 九年六月高麗
旱 十二年衛輝太原等路旱 十三年十二月平陽

路旱 十五年西京奉聖州及彰德等處旱 十六年
七月趙州保定路旱 十七年大都北京懷孟保定南
京許州平陽旱 十八年二月廣寧北京大定州旱是
年平陽路松山縣旱 十九年真定以南旱民多流移
二十二年五月廣平汴梁鈞州鄭州懷孟濮州東昌
廣平平陽彰德衛輝旱 二十三年平灤太原旱 五
月汴梁京畿旱 二十四年春平陽旱二麥枯死秋種
不入土 二十五年東平路須城等縣安西路商耀乾
華等十六州旱 二十六年絳州大旱 二十七年夏
四月平山真定棗強三縣旱 二十九年二月壬辰山
東棣州境內大旱 三十年真定寧晉旱

成宗元貞元年六月環州葭州及咸寧伏羌通渭等縣旱
 七月河間肅寧樂壽二縣泗州賀州旱 八月真定
 路旱 二年八月大名開州懷孟武涉縣河間肅寧縣
 及真定旱 九月莫州獻州旱 十月化州旱 十二
 月遼東開元二路旱 大德元年濟南及金復州順德
 河間大名平陽旱 六月汴梁南陽大旱民鬻子女
 七月荆南郡旱 八月丁巳寧海州大旱 九月江陵
 鎮江丹徒金壇二縣旱 十二月平陽曲沃縣旱 二
 年五月衛輝順德平灤等路旱 三年五月荆河諸郡
 及桂陽寶慶興國二路旱 十月楊廬隨黃等州旱
 四年平棘白馬二縣旱 五年六月汴梁南陽衛輝大

名等路旱 九月江陵旱 七年台州諸路旱 八年
 六月鳳翔扶風岐山寶雞三縣旱 九年大都旱 七
 月晉慶州饒陽縣漢陽漢川旱 八月蒙州融州柳州
 屬縣旱 十年台州旱 五月大都京畿旱安西春夏
 大旱二麥枯死 十一年台州又旱夏四月不雨至秋
 八月人相食

武宗至大元年諸路旱 三年夏廣平大名路旱

仁宗皇慶元年六月濱棣德三州及蒲臺陽信等縣旱

二年九月京畿大旱 四年四月德安旱 延佑二年

春檀蘇濠三州旱夏鞏昌蘭州旱 四年夏四月不雨

德安府旱 五年六月荊州旱 七月真定河間廣平

中山大旱 七年六月黃蘄二郡及荆門軍旱

皇治三年六月大同路旱 二年十一月岷州旱

三年夏順德真定冀寧大旱

泰定帝泰定元年六月江淮湖廣河南景清滄莫等州臨

汾涇川靈臺壽春六合等縣旱 九月建昌郡旱 二

年五月關陝潭州茶陵州興國永興縣旱 七月隨州

息州旱 三年夏燕南河南州縣十有四亢陽不雨

七月關中旱 四年二月奉元醴泉順德唐山邠州淳

化等縣旱 六月畿內江南洛霍綬德三州旱 八月

藤州旱 十二月真定路旱 致和元年二月廣平彰

德等郡旱 八月陝西大旱人相食

文宗天曆元年九月陝西大旱人相食 二年正月陝西

大旱自泰定二年至今不雨 己巳撫州旱自五月至

八月不雨夏真定河間大名廣平等四州四十一縣峽

州二縣旱 八月浙西湖州江東池州饒州旱 十二

月冀寧旱 至順元年七月肇州興州東勝州及榆次

滄陽等十三縣旱 二年霍隰石三州阜城平城二縣

旱 三月浙西旱諸路饑民八十餘萬戶 二年秋八

月真定路自夏至今不雨

順帝元統元年夏紹興旱自四月不雨至於七月淮東淮

西亦旱 二年三月湖廣旱自是月不雨至于八月

四月河南旱自是月不雨至于八月 六月遼東旱

秋南康旱 至元元年四月東平路久旱遣西僧祈雨
 夏河南及邵武路大旱 二年蘄州黃州浙東衢州
 婺州紹興江東信州江西瑞州等路及陝西皆旱是年
 四月黃州黃岡縣周氏頰產一男即死狗頭人身咸以
 為旱魃云 六年夏廣東南雄路旱自二月不雨至于
 五月種不入土 至正二年彰德大同二郡及冀寧平
 晉榆次徐溝縣汾州孝義縣忻州皆大旱自春至秋不
 雨人有相食者衛輝亦大旱 三年秋興國大旱 四
 年福州大旱自三月不雨至于八月興化邵武鎮江及
 河南之桂陽膠州高密縣皆旱 五年曹州禹城縣膠
 州高密縣旱 六年鎮江及慶元奉化州旱 七年懷

慶衛輝河東及鳳翔之岐山汴梁之祥符河南之孟津
 皆大旱 八年三月益都臨淄縣大旱 五月四川旱
 十年夏彰德旱 十一年鎮江旱 十二年蘄州黃
 州大旱人相食浙東紹興旱自四月不雨至于九月
 桂陽大名俱旱 十三年蘄州黃州及浙東慶元衢州
 婺州江東饒州江西龍興瑞州建昌吉安廣東南雄河
 南永州桂陽皆大旱 十四年懷慶河內縣孟州汴梁
 祥符縣福建泉州湖廣永州寶慶廣西梧州皆大旱祥
 符旱魃再見泉州種不入土人相食 十五年衛輝大
 旱 十六年婺州處州皆大旱 十八年春蘄州旱莒
 州濱州般陽滋川縣霍州鄆州鳳翔岐山縣春夏皆大

旱莒州人自相食岐山亦然 十九年晉寧鳳翔廣西
梧州象州皆大旱 二十年通州旱汾州介休縣自四
月至秋不雨廣西賓州大旱自閏五月不雨至于八月
二十二年河南洛陽孟津偃師三縣大旱人相食
二十三年山東濟南廣西賀州皆大旱

皇明

太祖吳元年丁未夏六月久旱 上日減膳素食宮中皆
然既而大雨羣臣請復膳不許 詔免今年田租 洪
武三年庚戌夏久不雨 上命擇日詣山川壇躬禱先
命 皇后與諸妃執爨為昔日農家之食令 皇太子
諸王供饋于齋所至日 上素服草履徒步出詣山川

壇設藁席露坐晝曝于日頃刻不移夜臥于地衣不解
帶 皇太子捧楹進蔬食雜麻麥菽粟已而大雨歲遂
熟 八年秋八月京師大旱 十四年金陵久不雨
詔罰守城指揮俸罪其不祈雨也 二十六年京師大
旱 詔求直言

憲宗成化八年夏四月京畿自二月至今不雨大風竟日
運河水涸 十五年巳亥京省大旱 二十年甲辰夏
五月京畿陝西河南山東山西俱大旱

孝宗弘治八年秋七月西北諸省大旱 十六年癸亥夏
五月京師大旱

武宗正德五年庚午夏六月京師旱霾 十一年丙子夏

五月風霾大旱

世宗嘉靖元年久旱卽位日大雨霑足頃復開霽觀者皆慶爲中興之兆 二年九月南畿十四郡北畿山東河南湖廣江西俱旱災赤地千里殍殣遍道 五年江左大旱 七年北畿河南山東山西陝西大旱 勅求直言且 諭輔臣盡言以體朕憂 十二年春二月不雨 上祈禱不應因製自咎說示群臣使知警惕 七十年夏四月兩京山東陝西福建湖廣大旱 二十年畿內旱蝗議發帑金賑之 三十七年五月大旱禾盡槁 上齋祀高玄忽雷電交至澍雨沾足羣臣表賀 四十年二月京師不雨 上禱于玄壇得雨 四十二年

因旱乃于正月二十七日致齋禱雨先是傳諭徐階等曰今日風沙又作必嚴祈禱今旱固未必如前歲而黃霾土雨災疫或過之擬所舉行勿怠遂有是禱已而又傳諭云恰纔我樹幡竿微雷安水缸雨零未移時大霾赤黃異于前日祈祐可緩乎朝天宮等處宜分遣官陪告行禮遂以五府六部正官輪至四月七日吏部尚書嚴訥奏云河間等縣聞已得雨初十日大學士徐階成國公朱希忠等率羣臣上表稱賀雲雨應期 上喜批荅天慈垂鑒大澤應祈朕心感仰 十二月旱風霾言官請計京官林潤復劾鄒懋卿五罪 上命削爵 穆宗隆慶二年六月浙江福建四川陝西淮安鳳陽等處

續文獻通考 卷之三百三十一
二十七

大旱
今上萬曆十六年蘇松等處大旱 十七年蘇松又旱

二十四年閏八月浙江巡撫劉元霖奏杭嘉湖三府自五月以來旱魃爲害禾苗失種秋成無望 二十九年五月初六日禮部奏二月至今畿輔內外半年不雨土脉焦枯河井乾涸二麥盡槁巡按何爾健奏阜平縣丈水洞礮夫張世誠饑餓將自己六歲小孩殺死煮食請自五月初六日爲始仍各青衣角帶于本衙辦事宿歇致齋益加虔惕諸司照例停刑禁屠五日遣官恭詣天地社稷山川風雲雷雨等壇黑龍潭廟祝文祭品行各該衙門撰述備辦仍行順天府官督率所屬千應祀

神廟竭誠祈禱奉 旨今歲旱暵異常雨澤未澍朕在

宮中密禱夙夜惶惶依擬着百官再加修省務期感格

祭告 南郊遣公徐文壁 北郊侯陳良弼山川尚書

李戴社稷尚書陳渠風雲雷雨等壇侍郎馮琦黑龍潭

廟真人張國祥各竭虔行禮仍行順天府官率屬祈禱

恒燠

金世宗大定二十九年時章宗已卽位冬無雪

元世祖至元十三年冬無雪

皇明

武宗正德七年冬燕趙河朔之地無雪而燠

恒寒

遼太宗會同二年六月丁丑雨雪

興宗重熙十六年三月大雪

道宗咸熙八年十二月丙辰大雪許民樵採禁地 太康

八年九月大風雪牛馬多歿 九年四月大雪平地丈

餘馬死者十六七 太安三年正月大雪

天祚帝乾統二年三月大寒水復合 九年七月隕霜殺

稼

金熙宗皇統二年三月辛丑大雪 正隆四年十一月庚

寅霜附冰

世宗大定四年正月如安州大雪詔扈從人舍民家者人
支錢一千與其主

章宗承安五年十月癸卯晨陰霜附冰至日入亦如之

宣宗興定五年十二月丁丑霜附冰

哀宗正大三年春大寒 四年八月癸亥風霜隕禾皆盡

五年春大寒 二月雷雨雪木之華者皆敗 天興

元年正月丁酉大雪 二月癸丑又雪戊午又雪 五

月大寒如冬是時鈞州陽邑盧氏兵皆敗

元

世祖中統二年五月西京隕霜殺禾 三年五月宣德咸

寧等路隕霜 八月河間平灤等路隕霜害稼 四年

四月武州隕霜殺麥禾 至元八年七月昌會蘭等州

隕霜殺稼 十七年四月海寧益都四郡隕霜損桑

二十一年三月山東隕霜殺蠶盡死被災者三萬餘家
二十六年五月丁丑濟南棣州隕霜殺菽 二十七
年七月大同平陽太原隕霜殺禾 二十九年三月濟
南般陽等郡及恩州屬縣隕霜殺桑

成宗元貞二年八月金復州隕霜殺禾 大德五年二月

湯陰縣隕霜殺麥 五月商州隕霜殺麥 六年大同

太原隕霜殺禾 七年四月隕霜殺麥 八年三月濟

陽灤城隕霜殺桑 八月隕霜殺稼 九年三月河間

益都般陽三郡屬縣隕霜殺桑一百四十一萬七千餘

本壞蠶一萬二千七百餘箔 十年七月大同渾源縣

隕霜殺禾 八月綏德州米脂縣隕霜殺禾二百八十

頃 至大元年大名路隕霜殺桑 八月大同隕霜殺

禾

仁宗皇慶二年三月濟寧隕霜殺桑 延佑元年三月東

平般陽等郡泰安曹濮等州大雨雪三日隕霜殺桑

閏二月濟寧汴梁等路及隴州開州清城涇源諸縣隕

霜殺桑無蚕 七月冀寧隕霜殺稼 四年夏六月盤

山隕霜殺稼五百餘頃 五年五月雄德歸信縣隕霜

殺桑 七年八月益津縣雨黑霜

英宗至治三年七月冀寧曲陽縣大同縣興和路咸寧縣

隕霜殺禾 八月袁州宜春縣隕霜害稼

泰定帝泰定二年三月雲府大雪民饑

文宗天曆三年二月京師大霜晝霧 至順元年閏七月
 奉元西湖州寧夏應理州鳴沙州鞏昌靜寧邠會等州
 鳳翔麟遊大同山陰晉寧潞城隰川等縣隕霜殺稼
 順帝元統三年三月壬辰河州大雪十日深八尺馬駝牛
 羊凍死者十九民大饑 至正六年六月達達地大風
 雪羊馬皆死 九月彰德雨雪結凍如琉璃 七年八
 月衛輝隕霜殺稼 九年三月温州大雪 十年春彰
 德大寒近清明節雨雪三尺民多凍餒而死 十一年
 三月汴梁路鈞州大雷雨雪高密縣平地雪深三尺餘
 十三年秋邵武光澤縣隕霜殺稼 二十三年三月
 東平路須城東阿穀陽三縣隕霜殺桑廢蚕事 八月

鈞州密縣隕霜殺菽 二十七年三月彰德大雪寒甚
 於冬民多凍死 五月辛巳大同隕霜殺麥 秋冀寧
 路徐溝介休二縣雨雪 十二月奉元路咸寧縣井水
 冰合 二十八年四月奉元隕霜殺菽
 皇明

憲宗成化十三年七月陝西鞏昌平涼諸州縣隕霜殺稼
 武宗正德七年冬江淮風雪連旬南至洞庭緩流處冰厚
 尺餘

今上萬曆六年十一月大雪浹旬民多凍死 二十三年
 冬十二月至正月江南雪久殭尸無筭

續文獻通考卷之二百二十二終

續文獻通考卷之二百二十三

皇明進士雲間王圻纂輯

物異考 冰雹至人異

冰雹

宋

寧宗嘉定十五年九月雷大雨雹

理宗紹定元年五月丁酉雨雹 五年七月甲辰雨雹

端平二年五月丙申雨雹 三年七月大雨雹 景定

元年正月庚申雨雹 二年六月丙午雨雹 嘉熙二

年三月癸巳雨雹 寶祐四年二月戊午雨雹

時吳昌裔論四陰證狀其畧曰竊見立秋以來常陰為



Faint bleed-through text from the reverse side of the page, including characters like '皇明進士雲間王圻纂輯' and various dates and events.

系之庸通考 卷之二十三
沴先一日大雨雹越翼日暴風至淫雨不止至於旬時
蚤禾壞於垂成晚稻傷於旣穎豐稼之候轉而凶荒將
恐害於粢盛無以供我軍實又聞天目一帶洪浸漂流
水冑近畿是殆爲兵爲饑之證占書曰雨雹陰脅陽也
靈雨陰干陽也方金火之交而厥罰常雨此非陰盛陽
微之兆乎夫臣者君之陰也妻者夫之陰也小人者君
子之陰也夷狄者中國之陰也且自聖上攬權之後固
無昔日擅命之臣惟威令積弱不能以運掉三邊紀綱
寢頽不能以操制諸將習强者方命怙寵者玩威第功
賞者多肆於誕誣報軍書者輒輕於狎侮偏裨擅離部
伍而不知有國法士卒敢陵州縣而不知有朝廷積是

弱形漸不可長此非將帥之權太盛乎方國步艱難之
日正君心恐懼之時而道路流言竊議聖德謂宮廷宴
飲頻爲過差房闈妃嬪多著位號知書近侍以竒功而
移上意私謁衰民以險陂而通外交甚至外廷之除授
或倚於幽陰帥柄之請求輒通於中禁牽於柔道職是
厲階此非女寵之謁太盛乎端平人才之盛藹然有小
元祐之風不一二年初意漸變君子則厭薄以爲無益
小人則愛惜以爲有才三凶囑托以潛歸二孽覬覦而
再起不惟昔之所斥者復乘隙以求進而今之所擯者
亦旋踵而得遷旁起多門自塞正路此非舊人復用之
漸乎韃虜憑凌中夏蓋非殘金之比初犯蜀口五郡爲

墟繼犯荆襄十州如燬將士征行而不得臣婦子流徙
而不得歸欲戰則恐事力之不強欲和則慮情款之未
實又况唐鄧均睦之寇導之以扣江秦鞏松維之族誘
之以幹腹內外受敵殊可寒心此非夷狄竊發之證乎
凡此四端是皆陰類事形於下則變見於天證象孔昭
警戒甚至陛下代天作子者也所宜昭德塞違以回渝
怒之威大臣佐理陰陽者也所宜開誠布公以消乖沴
之氣陽明勝則德性用陰濁勝則物欲行消長之機正
宜凜凜今大昕坐朝間有時不視事之文私第謁假或
有時不入堂之報上有耽樂惰逸之漸下無協恭和衷
之風在內則嬖御懷私以爲君心之蠹在外則弟子寡

謹以爲朝政之累游言導昏寵賂彰聞欲以此銷鑠群
慝呼吸太和得乎昔建炎三年六月陰雨不止高宗罪
已求言宰執引咎求去郎官以上皆許言朝政得失時
中書舍人李陵以三陰之說應詔謂能制將帥之謂剛
能抑宦寺之謂正御史中丞張守亦以三陰之說抗疏
願嚴恭寅畏以脩其德更選任輔弼以脩其政上下動
色祗畏明威卒扶炎精之光以基中興之盛皆自高宗
君相一念抑畏中來也臣愚欲望陛下仰繩祖訓顧諟
天明遠聲色戢宦寺以清宅心之源進忠良斥姦回以
公用人之柄申明典章以重御將之法謹固封守以嚴
備敵之防而二三大臣各一乃心各和乃政通宮中府

中爲一體毋使陟罰之異同合在邊在廷爲一家毋使
細大之偏重如此君臣合德中外革心未有不轉灾青
而休祥易陰蒙而陽霽天下事變亦當陰消潛弭而不
足憂矣

虞儔應詔上封事曰臣聞陽奮則爲雷爲電陰凝則爲
雹爲雪方陰陽之相薄則雷雹皆至及陽爲陰所勝則
雷止而雪作魯隱公九年三月自癸酉大雨震雷至庚
辰大雨雪凡八日劉向以爲周三月今正月也雷電未
可以發旣發則雪不當復降是皆失節故謂之異吳太
平二年三月甲寅大雨震電至乙卯大雨雪纔二日耳
史臣以爲先震電而後雨雪陰見間隙起而勝陽其後

禍亂之應有若符節往牒具載良可畏也今正歲之始
建寅之月三陽用事於卦爲泰自戊寅之庚申雷電雪
雹俱作於三日之間視魯則數視吳則踈臣願陛下以
往事之驗爲方來之鑒警懼脩省以答上天仁愛之意
則災異塞於上禍亂伏於下在陛下一念之頃耳臣又
聞朝廷者陽也宮禁者陰也日昃平晝月昃平夜而寒
暑成天子理陽道后治陰德而後國家理若宮禁之中
宴飲之不節則非所以崇慈聖躬賜予之不省則將至
於空虛內藏女謁行乎內權勢行乎外尤不可不防其
微而杜其漸也有一於此則雷雪之變乃上帝所叮嚀
陛下之意也不求之身是無應天之實天怒愈深矣至

續文獻通考 卷之二百二十三
四
於勲戚貴近時有濫賞倡優伎藝每蒙宣引宮門啓閉
多不以時豈所謂嚴等威肅宸居哉臣願陛下畏天之
威謹正始之道宗社幸甚臣又聞君子者陽也小人者
陰也自古君子小人勢不兩立君子在內小人在外於
卦爲泰小人在內君子在外於卦爲否今朝廷清明多
士濟濟有官守者修其職有言職者盡其忠乃建寅之
月三陽在內宜泰而否意者在外小人交結黨與潛謀
進用如某人輩臣願陛下觀拔茅連茹之象以進君子
戒履霜堅冰之漸以退小人毋使鸚鵡鸞並棲薰蕕共噐
則天意解矣臣又聞中國者陽也夷狄者陰也自古夷
狄之強弱常係中國之盛衰今國家南度甲子已逾一

周胡運將終朝野咸意中原可復近者邊報傳聞信否
雖未可知第講和日久邊備廢弛意者將有奸雄潛萌
不肖之心窺伺間隙或恐讐耻未復而唇齒先寒侯景
之事可爲深慮臣願陛下明詔大臣遴選逐路帥臣俾
之先事經理以備不虞

遼聖宗統和十六年雨水冰

天祚帝乾統三年七月中京雨雹傷稼

金海陵天德三年十二月巳丑雨水冰

世宗大定八年二月甲子北望淀雨雹廣十里長六十里
十一年六月戊申西南路招討司必里海水之地雨
雹三十餘里小者如雞卵其一最大廣三尺長丈餘四

五日始消 二十三年五月雷雨雹

章宗承安二年六月丙午雨雹 四年三月戊午雨雹

泰和四年正月壬申雨木冰 十一月丁卯雨木冰凡

三日 八年四月甲午雨雹

宣宗貞祐元年十二月乙卯雨木冰 二年十二月巳酉

雨木冰 興定元年四月單州雨雹傷禾 五月延州

原武縣雹傷稼 三年十二月壬申雨木冰

哀宗正大二年四月京畿大雨雹 五年四月鄭州大雨

雹桑柘皆枯

元世祖中統二年四月雨雹大如彈丸 三年五月順天

平陽真定河南等郡雨雹 四年七月燕京昌平縣景

州薊縣開平路興松雲三州俱雨雹害稼 至元二年

八月彰德大名南京河南濟南太原等郡雨雹 四年

三月夏津縣大雨雹五月衛地大雨雹六月中山大雨

雹 五年六月中山大雨雹 六年二月興國雨雹大

如馬首殺禽獸七月西京大同縣雨雹 七年五月河

內縣大雨雹 十二年十二月巳亥雨木冰 十五年

閏十一月海州贛榆縣雨雹傷稼 十六年保定等二

十餘路雨雹害稼 十九年八月雨雹大如雞卵 二

十年四月河南雨雹害稼 五月安西路風雷雨雹

八月真定元氏縣大風雹禾盡損 二十二年七月冠

州雨雹 二十四年西京北京隆興平樂南陽懷孟等

路雨雹害稼鞏昌雨雹 九月大定金原高州武平興

中等處雨雹 二十五年三月靈壁虹縣雨雹如雞卵

害麥 十二月靈壽陽曲天成等縣雨雹 二十六年

夏平陽大同保安等郡大雨雹 二十七年四月靈壽

縣大風雹 六月棣州厭次縣大風雹傷禾黍菽麥桑

棗 二十九年閏六月遼陽瀋州廣寧開元等路雨雹

三十年真定寧晉雨雹 三十一年四月卽墨縣雨

雹 七月棣州陽信縣雨雹真定路南宮新河縣雨雹

八月德州德安縣雨雹大風

成宗元貞元年五月鞏昌金州會州西和州雨雹無麥禾

七月隆興路雨雹 二年五月河中猗氏縣雨雹 六

月隆興咸寧縣順德邢臺縣太原交河離石壽陽等縣

雨雹 八月懷孟武陟縣雨雹 大德元年六月太原

崞州雨雹害稼 二年二月檀州雨雹 八月彰德安

陽縣雨雹 四年三月宣州涇縣台州臨海縣大風雹

五年七月暴風起東北雨雹兼發江河泛溢自通泰

崇明至鎮州民被災死者不可勝計 七年十一月雨

水冰 八年五月大寧路建州蔚州靈仙縣雨雹太原

大同隆興屬縣陽曲天成懷安白登風雹害稼 八月

營州嵐州交城陽曲懷仁等縣雨雹 九年六月晉寧

冀寧宣德隆興太寧等郡大雨雹害稼 十年四月鄭

州管城縣風雹大如雞卵積厚五寸 五月大雨雹

七月宣德縣雨雹 十一年五月建州雨雹

武宗至大元年四月般陽新城縣濟南厭次縣益都高苑縣風雹 五月管城縣大雹深一丈無麥禾 八月大

寧縣雨雹害稼斃畜牧 二年三月濟雲定陶等縣雨

雹 六月崞州源州金城縣雨雹延安神木縣大雹一

百餘里擊死人畜 三年四月靈壽平陰等縣雨雹

四年四月南陽雨雹 閏七月宣寧路雨雹

仁宗皇慶元年四月大名濬州彰德安陽縣河南孟津縣

雨雹 六月開元路風雹害稼 三年七月冀寧平定

州雨雹景州阜城縣風雹 八月大同懷仁縣雨雹

延祐元年五月虜施縣大風雹損稼并傷人畜 六月

宣平仁壽白谷等縣雨雹 二年五月大同宣德等郡

雷雹害稼 三年五月薊州雹深一尺 五年四月鳳

翔府雹傷麥禾 六年六月大同縣雨雹大如雞卵

七月鞏昌隴西縣雹害稼 七年八月大同路風雷雨

雹

英宗至治元年六月武州雨雹害稼永平路大雹深一尺

害稼 七月真定順德等郡雨雹 二年四月涇州涇

川縣雨雹 六月思州大風雨雹 三年五月大風雨

雹拔柳林行宮大木三千餘株

泰定帝泰定元年五月冀寧陽曲縣雨雹傷稼思州龍泉

縣雨雹傷麥 六月順元太平軍定西州雨雹 七月

龍慶路雨雹大如雞卵平地深三尺餘 八月大同白
登縣雨雹 二年四月奉元白水縣雨雹 五月洮州
路可當縣臨洮府狄邑縣雨雹 六月興州邠州及成
紀通渭白水虜施安塞等縣雨雹 七月檀州雨雹
三年六月鞏昌路大雨雹中山府安喜縣乾州永壽縣
雨雹 七月房山寶坻玉田永平等縣大風雹折木損
稼 八月龍慶路雨雹一尺大風損稼 四年六月中
山府雨雹 七月彰德湯陰縣冀寧定襄縣大同武應
二州雨雹害稼 致和元年四月濬州涇州大雨雹傷麥
禾 五月冀寧陽曲縣威州井陘縣大雨雹 六月涇
州湯陰等縣大雨雹大寧永平屬縣大雨雹

文宗天曆二年七月大寧惠州雨雹 八月冀寧陽曲縣
大雨雹如雞卵害稼 三年七月順州東安州及平棘肥
鄉曲陽行唐等縣風雹害稼開元路雨雹 至順元年
七月平棘行唐二縣雨雹傷稼 二年十二月冀寧清
源縣雨雹丁巳雨木冰癸亥又雨木冰 三年五月甘
州雨雹

順帝元統元年三月紹興蕭山縣大風雨雹拔木仆屋殺
麻麥斃人民 二年三月塞北東涼亭雨雹 至元元
年七月西和州徽州雨雹 二年八月高郵寶應縣大
雨雹是時淮浙皆旱惟本縣瀕河田禾可刈悉爲雹所
害凡田之旱者無一雹及之 四年四月清州八里塘

雨雹大過於拳其狀有如龜者有如小兒形者有如獅象者有如環玦者或長如卵或圓如彈玲瓏有竅色如雪而堅 五年十一月瑞州路新昌州雨水明年二月冰始解 至正二年五月東平路東阿縣雨雹大者如馬首 四年正月汴梁路鄭州尉氏洧川河陰三縣及龍興靜安縣雨水 六月東平陽穀縣雨雹 六年二月興國縣雨雹大如馬首小者如雞卵斃禽畜甚多 五月絳州雨雹大者二尺餘 八年四月鈞州密縣雨雹大者如雞子傷麥禾龍興奉新縣大雨雹傷禾折木 八月益都臨菑縣雨雹大如盃盃野無青草赤地如 緒 九年二月龍興大雨雹 十年五月汾州平遙縣

雨雹 十一年四月彰德雨雹大者如斧時麥熟將刈頃刻忘失田疇堅如築塲無稽粒遺留者地廣三十里長百餘里樹木皆如斧所劈傷行人斃禽畜甚衆 十二年五月文水縣雨雹 九月冀寧保德雨水 十三年四月益都高苑縣雨雹傷麥禾及桑 十四年正月汴河水皆成五色花草三日方解 六月薊州雨雹 十七年四月濟南大風雨雹 十九年四月莒州蒙陰縣雨雹 五月通州及益都臨朐縣雨雹害稼 二十年五月薊州遵化縣雨雹終日 二十一年五月東平雨雹害稼 二十二年八月南雄雨雹如桃李實 二十三年五月鄆州宜君縣雨雹大如雞子損豆麥 七

月京師及隰州永和縣大雨雹害稼 二十五年五月

東昌聊城縣雨雹大者如拳小者如雞子二麥不登

二十六年六月汾州平遙縣雨雹 二十七年二月永

州大雨雹 五月益都大雷雨雹 七月冀寧徐溝縣

大風雨雹拔木害稼 二十八年正月慶陽府雨雹大

如孟小如彈丸平地厚尺 二十九年正月苗稼斃禽獸 二月汴

梁雨木冰狀如樓閣人物冠帶鳥獸花卉百態具備羽

幢朱葆彌望不絕凡五日始解又十日復冰自汴至平

樂皆然不一歲賊陷汴據之

皇

成祖永樂十二年十

八河及太液池冰凝具樓閣

龍鳳花卉之狀奇巧特異 上賜群臣觀之呂震以為

禎祥屢見率百官上表賀不許

景皇帝景泰五年春京師大雹 詔求直言御史鍾同疏

請朝 兩宮復 太子下廷臣議會禮部郎中章綸亦

上疏 上怒逮綸考掠詞連同并炮烙刑逼認通謀

南內終不服會大風雨沙下禁錮獄中復封巨挺六擇

六壯士杖之竟斃

憲宗成化五年閏二月癸未廣東瓊山縣雨雹大如斗

八年七月丙午陝西隴州大風雨雹中有如牛者五長

七八尺厚三四寸六日方消 二十年三月甲申江西

新建豐城高安三縣大風雨雷雹壞民舍宇民多壓死

孝宗弘治元年戊申夏四月天壽山大風雨雹

武宗正德十二年秋九月 上幸大同獵陽和雨雹星隕

世宗嘉靖五年七月朔江西南豐縣雹大如碗形如人頭

萬全都司雹大如甌入地尺許 十七年戊戌夏四月

八日吳城雨冰雹是日未刻忽烈風迅雷冰雹如注其

大如李中有一竅而四圍皆紋至西陽山一境又大如

斗途人不及抵室或有中其頂及耳而傷者蓋亦有至

死者 三十五年山東沂州雹大如盂小如雞子平地

尺餘經八里人畜傷死無筭 三十七年閏七月淳化

諸縣雨雹 三十九年六月初二泗川茂州大雪雹

秋七月初三茂州又大雹

穆宗隆慶元年五月大同大雨雹 七月紫荆關雨雹殺

秋稼七十里 四月萬全都司大風雷雨雹 二年正

月二十四日未時遵化縣有黑雲忽起雨冰雹小者如

彈丸大者如雞子須臾滿地 夏四月初五卯時萬全

都司及左右二衛葛峪深井等處白晝晦冥雨雹壅至

大者如杯卵小者如棗栗牛羊有被傷者二十六日大

同廣昌縣韓村周村馮村賈村三家村浮圖峪木積山

等處雨雹大如卵 四年四月宣府大同等處雨雹厚

二尺餘大如雞卵禾苗盡傷 五月山東膠州臨朐夏

津等縣雨雹損稼 七月直隸井陘縣大雨雹至辛酉

雷擊 圓丘廣利門鴟吻御史王喬桂疏乞修省 五

年四月京師大雨雹 五月宣府馬營堡等處大雨雹
常寧等堡大雨雹獨石大雨雹 六年四月昌平州大
風雷雨雹

今上萬曆三年十一月十一日京師木冰 十二年夏五
月蘇州松江等處大雨冰雹殺傷禾苗花豆不可勝計
二十三年八月十五日寧遠地方冰雹大如雞卵打
死牛馬田禾等物 二十八年六月山東巡撫劉易從
奏萊州府濰縣于四月十五日天降驟雨冰雹大作形
如雞卵平地水深尺餘將所種大小麥苗并粟穀等項
盡行傷壓無存打死男婦王立兒等十名口牛馱不計
其數又兗州府鄆城縣地方東西長五十里南北濶七

八里于二十三日未時大風自西北起拔樹飛瓦大雨
如注冰雹如拳如斧如卵雜下有一時辰打死牧童趙
差兒等十二名牲畜驢羊共五十九頭倒毀民居五百
餘間二麥花禾皆爲壅粉又濟南府淄川縣于二十四
日冰雹如卵如碗怪風震雷黑氣冲天磚瓦飄空人皆
抱頭閉戶頃刻間將廟宇司館士民房屋石墻牌坊盡
行毀壞壓死多命大甕七個被風飄去離城五里不損
毀壞民房三千四百七十五間壓死男婦劉溱等十二
名被傷男婦王可智等六十名倒石坊六座廟宇司舖
公署十四處打傷麥田二百九十六頃八十九畝 二
十九年延綏榆林二衛所八月雪雹相繼禾苗盡死

恒風

宋寧宗嘉定六年興國大風壞戰艦六十餘 十年春正月大風十一月如之 十三年大風 十六年鄂州大風壞戰艦三百餘 十七年鄂州暴風壞戰艦二百餘 理宗寶慶二年七月大風 景定四年颶風 遼聖宗開泰六年六月大風起於蕭德妃塚上晝晦 七年五月品打魯塊部節度使字羅申至鼻洒河遇微風 忽天地晦冥大風飄四十三人飛旋空中良久乃墮數里外字羅申幸獲免一壺酒在地乃不移 十三年蕭惠隨車駕征夏元昊邀元昊走路迎擊大風忽起飛沙眯目軍亂夏人乘之蹂踐而死者不可勝計詔班師

興宗重熙二十四年張孝傑及第詣佛寺忽迅風吹孝傑幘頭與浮圖齊墮地而碎有老僧曰此人必驟貴然亦不得其死後果如所言

天祚帝乾統六年王鼎宰漆水縣時憇於庭忽有暴風舉卧榻空中鼎無懼色但覺枕榻俱高乃曰吾中朝正士邪無干正可徐寘之須臾榻復故處風遂止

金

太祖初起兵時遇遼兵於出河店會大風起塵埃蔽天乘風勢擊之遼兵潰走

熙宗皇統九年四月京師大風雨龍閭榆林河大風壞民居官舍瓦木人畜皆飄颺十數里死傷者數百人同知

州事石抹里歷死

海陵正隆五年二月鎮戎德順軍大風壞廬舍人多壓死
六年六月夜大風壞承天門鴟尾

世宗大定四年七月大風拔木雷雨 八年二月北望淀
大風 太和三年十月大風 四年三月大風毀宣陽
門鴟尾

衛紹王大安三年二月夜大風從西北來發屋折木吹清
夷闕折時有男子郝贊詣省言上卽位之後天變屢見
火焚萬家風折門闌非小異也宜退位讓有德有司問
爾狂疾乎贊大言曰我不狂疾但爲社稷計宰相皆非
其才每日省前大呼凡半月上怒誅之隱處 崇慶元

年七月有風從東來吹帛一段高數十丈宛轉如龍墮
於拱辰門內

宣宗貞祐三年二月大風龍德殿鴟尾壞 興定三年四
月大風吹河南府署飛百餘步戶案門鑰開文牘飄散
不知所在

哀宗正大元年正月初視朝大風飄端門瓦昏霾不見日
黃氣塞天 四年八月大風吹左掖門鴟尾墮丹鳳門
扉壞

元

太宗五年十二月大風霾凡七晝夜

憲宗六年春大風起西北砂礫飛揚白日晦冥

世祖至元八年十月檀順等州風潦害稼 十六年保定
等二十餘路大風害稼 二十四年西京北京隆興平
樂南陽懷孟等路大風 二十五年正月汴梁延津封
丘二縣大風麥苗盡拔 三十一年七月棣州大風發
屋拔木

成宗元貞二年順德大風損麥 大德十年二月大同路
暴風大雪壞民廬舍

武宗至大元年秋歸德暴風

仁宗皇慶二年秋八月大風海溢 延祐七年八月延津
縣大風晝晦桑隕者十八九

英宗至治元年三月大同路大風走沙土壅沒麥田一百

餘頃 三年三月衛輝路大風桑彫蚕死

泰定帝泰定元年四月大風 八月二十七日夜永嘉颶

風大作地震海溢入城溺民居樂清尤甚 三年七月

寶坻房山二縣大風折木 八月大都昌平等縣大風

一晝夜壞民居九百餘家 四年五月衛輝路大風九

日禾盡偃

文宗天曆二年二月胙城新鄉縣大風 至順元年秋七

月平棘行唐縣大風 二年五月柳林行宮大風拔木

三十七百株

順帝至元二年陝西暴風 至正元年七月廣西雷州颶

風大作湧潮水拔木害稼 二年十月海州颶風大作

海水漲溢溺死人民 四年七月温州颶風大作地震
海溢民居漂蕩溺死者衆 十三年五月潯州颶風大
作壞官舍民居瓦屋門扉皆飄揚七十里外 十四年
七月潯州襄垣縣大風拔木偃禾 十六年温州大風
海舟吹上平陸高坡二三十里死者千數 二十一年
正月石州大風拔木六畜皆鳴 二十四年台州路黃
岩州海溢颶風拔木禾盡偃 二十七年三月京師有
大風起自西北飛沙揚礫昏塵蔽天逾時風勢八面俱
至終夜不止如是者連日自後每日寅時風起萬竅爭
鳴戍時方息至五月癸未乃止三月丁丑朔萊州大風
庚子京師大風

皇明

英宗天順八年五月五日大風雹飄瓦拔木壞郊壇

憲宗成化五年二月己未雨霾天氣昏蒙黃塵四塞 巳

卯日變曰土霾氣四塞 六年三月陝西寧夏大風揚

沙黃霧四塞 四月庚戌立夏雷未發聲陰霾四塞

七年四月乙卯雨土風霾 十二年南京陰霾蔽日

孝宗弘治元年戊申夏四月天壽山大風雹

武宗正德五年六月京師風霾 十一年五月風霾大旱

十四年三月京師風霾

世宗嘉靖五年禮部尚書席春奏近來大風捲廟宇及民
舍百餘家了無踪跡 四十一年冬十一月乙未朔有

暴風自北起 上諭兵火當慎 命兵部移檄諸邊詰
戎兵以戒不虞 十一月京師大風占者云應在土功
工部尚書雷禮請築重城 上曰費且巨萬守之尤難
姑已之 四十三年正月丁丑大風 上命本兵速移
檄警備 三月望異風作赤黃霾是日風作至二十一
日不止 世宗傳諭內閣徐階等曰土風雨霾不止勿
待原期着明日始致齋如例停封禁屠凡三日
穆宗隆慶二年元旦大風飛沙走石白晝晦冥自京師達
江浙皆然 三月京師大風揚塵四塞 是年戊辰元
旦南京大風拔木揚沙上新河汨舟盡漂溺其風起已
至未乃息

今上萬曆二十八年福建巡撫金學曾奏興化府莆田縣
于七月十八日至二十二日怪風大雨連作五晝夜走
石飛沙公私廨舍城垣橋梁堤岸阡陌蕩然傾圮衙門
廟道府州衛縣各館墻垣盡行倒塌聖殿啓聖祠文昌
宮敬一亭兩齋各祠倒塌無存倉廩則預備大有等倉
厥館驛祠壇則吉了巡司并新驛養濟院社稷山川壇
官房皆已淹倒鹹水灌入田禾悉枯海濱東角各堤俱
衝壞廣業里常泰里田流去一百五十餘畝新興賓大
等里不下千畝孝義仁德南方等里七百四十餘畝淹
沒已盡 福州府連江縣于十六七日颶風從西南起
飛瓦拔木十八日大雨傾盆連三晝夜至二十日辰時

狂潮湧注入城水深丈餘官舍民廬城垣塌潰者十之七八縣牆盡圯倉廩水浸三尺巷房倒塌冊籍隨波聖宮鼓樓公館無存至二十二日水勢稍平臨安一帶地當水衝房屋傾壞人民傷殘難以枚舉 福安縣于七月十八日起至二十一日颶風淫雨大作洶湧洪水淪沒田禾傾倒民房無數

恒陰

遼道宗咸雍八年正月昏霧連日

章宗承安五年十月天久陰是日雲色黃而風霾 泰和

四年正月陰霧

元大德十年二月大同路雨沙陰霾

皇明

太祖洪武十八年春二月久雨陰晦不解雪雹而雷遂

詔中外百司凡軍民利病政事得失條陳以對下及編民卒伍苟有所見皆得盡言無諱

景皇帝景泰五年正月積雪恒陰

晝晦

遼太宗會同八年三月圍晉於白團衛村大風晝晦如夜 晉符彥卿以萬騎橫擊遼軍遼軍不利乃歸

金世宗大定五年十一月大霧晝晦

章宗明昌六年二月京師大雨雹晝晦

宣宗貞祐元年八月夜將曙大霧蒼黑跬步無所見至辰

已時乃散 九月元妃淑妃王氏受封大風昏霾黃色
充塞天地 三年十月夜西北有霧氣如積土至二更
方散 興定四年正月晝晦有頃大雷風雨

元成宗大德五年七月晝晦

泰定帝泰定四年碣門晝晦

文宗天曆二年八月晝晦自庚子至丙午皆晝霧夜晴

順帝至元四年京師晝晦時荊州分域有鬼夜叫云苦也

苦幾時泥到襄陽府及早視之凡樹木皆用泥和猪狗

血泥之 至正十七年秋七月京師晝晦不辨人物自

旦至午方消如是者旬有五日 二十一年四月朔日

未沒三四竿許忽然無光漸漸作蕉葉樣天昏黑如夜

星斗燦然飯頃方復舊天再開朗星斗亦隱又少時日
乃沒

按王隱晉書曰日無光臣有陰謀京房易傳曰臣專刑
茲謂分威蒙微而日不明

二十七年二月永州晝晦城中人舉燈而食鷄棲於堦
踰時方明 庚子京師晝晦 六月丙午日食晝晦

皇明

景皇帝景泰元年庚午閏正月京師烈風晝晦 五年甲

戌京師黃沙四塞晝晦時章綸鍾同下獄 六年春二

月二十八日風作黃沙蔽日連晝晦暝至三月初八日

既雨始霽先是二月二十八日清明後之二日旦時微

風自西北來至辰刻漸大沙土滄然東驚其色正黃如
柘染然土沾人手面洒洒然如濕頃之天地晦暝色映
窓牖間如血紅室中不辨人已而紅色漸黯黑至午未
復黃稍開朗人相顧慘愕至三月二日微雨後忽黃氣
四塞日色如青銅無風而雨土拂之如塵積地皆黃色
昏益甚明日大雨時或紅黑至初六日始作東北風七
日又雨八日始霽人心乃安

憲宗成化九年春三月山東晝晦

孝宗弘治十五年壬戌冬十一月雲南晝晦

武宗正德十四年巳卯春京師風霾晝晦水溢

世宗嘉靖八年春正月戊戌朔風霾晝晦如夕 九年三月

京師大風晝晦

雷震

宋

寧宗嘉定十四年正月地震大雷是春金虜入寇斬黃二
州時彭龜年奏曰天之鼓舞萬物者雷風也君子鼓舞
萬民者號令也天有雷風之變乃爲人君號令之應雷
爲天地之動最爲不測而難信者然發以二月收以八
月人事候之以爲節未嘗爽也故萬物因之以動蟄而
無病焉若當收而發則誤物多矣陛下亦嘗因雷之非
時而反求之號令之間乎陛下自卽位以來好出御筆
陞黜之間多爲不測若示人以聰明威斷者其慰人心

者固時有之而動人心者亦不少矣抑思人君據天下
之利勢一喜一怒係萬物休戚而使人不可得而測則
人其能自安平當人情求安之時而反使之有不自安
之意殆非初政之美也司馬光嘗告神宗皇帝曰陛下
好於禁中指揮外事非公卿所薦舉牧伯所糾劾或不
次遷官或無故廢罷外人疑駭不知所從夫公卿牧伯
所糾劾或謂之賢而不賢或謂之有罪而無罪皆有迹
可見責有所歸故不敢大爲欺罔若姦臣密白陛下令
陛下自爲聖意以行之則威福集於私門怨謗歸於陛
下此光體要䟽中語也陛下向在潛邸固最愛此䟽豈
今日乃忘之耶陛下試以光之言平心熟誦反而思之

則今日之舉爲是而爲非可以坐決矣臣故以號令不
測爲陛下之過者此也壽皇聖帝因山之舉國之大事
也始卜稽山大臣以爲土薄復卜赤山大史又以爲不
吉復令卜下宮又以下宮爲不可遷日月以迫而神穴
未定有司應辦茂知所向此非朝廷之過乎太上皇移
御之所又國之大事也至三易其處使天下聞之莫不
疑惑此又非朝廷之過乎隨龍入推恩陛下卽祚之二
日固嘗有宣諭矣已而大臣擬進至于一再必欲施行
陛下持之不下臣嘗親聞玉音謂朕尚未見父母而先
推恩隨龍人孰爲重孰爲輕有識聞此訓也莫不感嘆
陛下聖明而大臣復請下之使陛下誠心實德不孚於

天下此又非朝廷之過乎惟廟議無一定之規故出令
有二三之惑臣以號令不信爲二三大臣之責者此也
雷震不時應或在是孟冬之月六陰過盛而謂之陽月
者以陰盛則衰陽當生爾今淫雨爲災蓋陰勝也推之
人事則君弱臣強陰勝也內侵外治陰勝也小人害君
子陰勝也盜賊病平民陰勝也蠻夷謀中國陰勝也陛
下受天明命大臣雖有翊戴之勲而威福之柄實在陛
下前日大臣庇一大吏出一臺臣陛下覺之罷大臣而
進臺臣已服陛下英斷君弱臣強之病宜無有也陛下
自在潛邸不遜聲色及登大位親灑宸翰以聲色酒爲
戒旣無所耽溺亦無所牽制內侵外治之患宜無有也

惟是陛下思見太上朝夕不忘而中間有阻絕不得通
求之愈切持之愈固使陛下彷徨無策經營南內將有
移御之意若果如此陛下念親可謂至矣然於宗廟社
稷之計不審孰慮之否乎此恐未免動陰勝之應也天
道雖遠固未易知人心非遙氣到自見自古未有不召
而自至之災亦未有已出而不應之變陛下不可逆料
以爲不然而忽之也推之已事亦可鑒矣陳瓘常謂承
顏養志當以大舜武王爲法入脩家人之禮則恭順無
缺出治朝廷之事則威柄不分此乃大舜武王之所謂
孝也臣願陛下如瓘之言以事其親則內侵外治之患
庶乎他日可以免矣陛下踐祚之日卽以收召人物諭

臣及召命之出莫非負天下物者今在朝之士彬彬固多君子矣然臣嘗密察縉紳之間則多猜防顧息之心無安舒閑雅之意蓋君臣之情未洽而邪正之路未分陛下信重君子之言未孚於人而昵比小人之迹已見于外君子告陛下之言小人或得與聞而小人告陛下之意君子或不能知正道恐消邪道恐長此亦未免動陰勝之應也當六七月之間淮浙大旱剽掠之徒所至蚋集今雖少弭然饑寒漸近雖朝廷多方軫卹而州縣在在無米失今不圖向後盜賊安保其不作此亦未免動陰勝之應也湖南蠻獠今年侵擾內地已費調護粗得平帖近聞虜人復求疵於言語文移之間我方內虞

饑饉之迫豈可外有兵革之虞備禦之策茫如捕風此亦未免動陰勝之應也淫雨爲災應或在是願陛下思所以致災之由求所以弭災之道事事責實不以虛文大要君臣之間各自反己則轉災爲福反沴爲祥直反掌耳惟陛下留神念之

理宗端平三年九月有事於明堂大雨雷震 庚午朝饗

太廟雷電 寶祐三年正月迅雷時元夕欲張燈起居郎牟子才上疏言倡優下賤竒技獻笑滌汗清禁今震霆示威願聖明覺悟天意可回乃罷元夕張燈

宋季福州畫錦坊有賣米者一夕雷震死其家三人大書屍上凡九字其文曰九月八日八月八日八月八日人不能

識有一老曰但於其中直貫一畫則成文矣蓋謂米中
用水糠中用木查也蓋賣米之家實如是云

遼太宗天顯十二年五月雷震開皇殿

金熙宗皇統九年四月夜大風雨雷電壞寢殿鴟尾

哀宗天興元年九月夜大雷工部尚書蒲乃速震死

元順帝至正二年興國路永興縣雷震死粮房貼書章尹

于縣治時方大早有朱書在其背云有旱却言無旱有

災却道無災未庸殲厥渠魁且擊廷前小吏 七年五

月台州路黃岩縣無雲而雷 十年六月廣西臨桂縣

無雲而雷震死邑民廖廣達 十一年十二月台州大

雨震電 十二年三月寧國路無雲而雷 十三年十

二月汾州雷雨 十四年十二月孝義縣雷雨 十九

年十一月台州大雷電 二十年二月浙西諸郡震霆

掣電雪大如掌頃刻積深尺餘 二十二年十月初五

日大雨雷電

皇明

太祖洪武十三年雷震 謹身殿

英宗正統八年癸亥夏四月雷擊 奉天殿鴟吻 十四

年六月震雷風雨驟作 謹身奉天華蓋殿俱災

景皇帝景泰四年雷擊 奉天殿獸吻 詔求直言翰林

劉球陳時政王振怒之暴死獄中

英宗天順元年丁丑夏五月京師大雷電雨下如注大風

拔水平地水高數尺是夕逮御史張鵬楊瑄并十三道
下錦衣獄都御史耿九疇副都御史羅綺內閣徐有貞
并下獄

憲宗成化三年六月戊申雷震南京 午門正樓科道皆
有言請修省 十三年十一月浙江杭州大雷雨虹見
巡按呂鍾上奏禮部請移文彼處修省 二十三年丁
未夏六月雷震南京 午門

孝宗弘治八年長河江西大震雷

武宗正德元年六月雷震正殿鴟吻 太廟春獸天壇樹
木 禁門房柱俱摧折燒毀

世宗嘉靖二年五月初九日雷擊東城各地方旗竿共六

根 十年閏六月雷震 午門西角樓 詔百官修省

十一年十二月二十七日南昌九江等處雷鳴 十

五年五月雷火灼 謹身殿俱燼 上令修省御史何

維栢言 兩宮 山陵之役費且數百萬是誠不可以

已乃沙河之役以七百萬功德亦不下二百萬安南軍

餉非二百萬不可臣恐聚斂者無所施其術而筭計者

安所贍其需乞緩諸不經之費而并力 兩宮安南之

役慎于謀始則民安而天眷矣不報 十八年六月丁

酉雷震左鷓吻毀鼓樓 上命修省 二十四年廣東

雷州府海康遂溪等縣風雨震電有火光如毬自西南

起并至中天星散海潮漲溢壞官民廬舍及人畜田禾

不可勝計 三十四年四月雷始發聲

穆宗隆慶元年八月大暑雷震次日大寒如嚴冬夜半雷震達旦 五年六月二十五日午時雷震 園丘廣利門鴟吻碎之

今上萬曆十九年五月薊遼總督蹇達奏大榆菱角山百總金子夙報本月初十日酉時忽然天雷迅烈擊死守臺兵沈昌弁妻張氏揭去四圍臺堞器械等項又喜峰百總郭文鎮報本月初十酉時天降驟雨霹靂將百總妻李氏擊死又擊死防守軍士陳龍擊傷軍士李策等二十三年貴州巡按薛繼茂奏三月十三日貴州地方雷鳴狂雨大雷打壞田禾 二十五年六月西華明

奉御張用等奏二十五日五更時分本門南吻獸頭被

雷擊碎 七月順天巡撫李願奏本月初一日暮田峪

關雷火燒燬臺器 二十七年閏四月兵科桂有根奏

太廟雷擊槐樹火光直出 巡視中城御史傅祺奏

十三舖宋大綱家被雷擊死三人 貴州撫臣江東之

奏平壤衛地方天黑如夜人目不見狂風大作霹靂雷

霆遍地振動雪雹如碗盆磚石大自酉至亥猶播石而

下

物自鳴

遼太宗大同元年四月次赤岡有聲如雷起於御帳是月

遼王崩

聖宗太平五年三月魚兒濼有聲如雷而徙詳見水異類太

平中南院大王耶律制心一日沐浴更衣而卧家人聞
絲竹之聲怪而視之則遠逝矣

金海陵正隆六年臨潢府聞空中有軍馬聲仰視見風雲
杳靄神鬼甲兵蔽天自北而南仍有語促行者未幾海
陵南征遇弑

世宗大定十三年八月策試進士於闕忠寺夜半忽聞音
樂聲起塔上西達於宮考官完顏蒲提李晏等以為文
運始開得賢之兆

哀宗正大五年八月御座上聞若有言者曰不放捨則何
索之不見

元文宗天曆二年五月天鼓鳴於西北七月乙巳天鼓鳴
於東北

順帝至元四年冬江浙行省官立相哥沙不丁輩德政碑

穹隆莫比特缺坐石時若晦者素善誦媚因以楊和王

墳域所有為言役人夫數千拖曳而至畢工之日省中

火爐鳴直至昧爽方休嗣是夜以為常又梟鳴梁壓虎

入城市越明年相哥敗諸人俱罹奇禍 至正十二年

寇起蘄黃將由義興取道犯浙西義興王子明多藏三

代爨鼎又購得一商爨鑿深窖以埋之既入窖爨作牛

鳴者七夜因取出審田家窖後遭發掘獨此爨得存

十三年十月京師無雲而雷少頃有火墜於東南懷慶

河內縣及懷慶之修武潞州之襄垣縣皆無雲而雷聲震天地 十六年正月嘉興楓涇鎮戴君實門首柳樹若牛鳴者三主人與僕從悉聞之斬其樹不一月苗軍抄掠貨產又兩月屋燬於兵 是歲寒食日海鹽州趙初心率子姪輩詣先隴汎掃松楸忽聞如老鶴作聲憂憂不絕審所在乃是一栢樹頃間衆樹同聲和之一二時方止舉家惶惑至八月苗軍火其居明年六月紅軍掠貨財婦女而姪善如死於難 二十四年四月十五日華亭五保楊巷邵浦雲之西清庵廊屋一十九間每間屋柱皆有聲其聲如以桶覆水面而擊其底者人以手按之則振掉而起經時方止

按乾坤變異錄人君宮室無故有聲王兵起若人家主家亡

二十七年正月絳州聞天鼓鳴其聲如空中戰鬪者

皇明

太祖洪武十一年處州遂昌縣奏有大聲如鐘自天而下無形或以爲鼓妖次年官民俱災 十三年三月貴州布政司使蔣延瓚言去年北征班師 詔至恩南府發川縣大巖山有聲連呼萬歲者三咸謂 皇上恩威遠加山川效靈之徵呂震請率群臣上表 上曰人臣事君當以道阿諛取容非賢人君子所爲呼譟山谷空虛之聲相應理或有之布政司官不察以爲祥爾爲國大

臣不能辨其非又欲進表媚朕非君子事君之道也
英宗天順七年二月晦夜空中有聲李賢上言傳云無形
有聲謂之鼓妖上不恤民則有此異 上命具寬恤事
以進

憲宗成化十四年八月戊戌早朝東班官若聞有甲兵聲
者因辟易不成行列衛士爭露刃以備不虞久之始定
命御史詰究莫得其故

武宗正德七年春三月二十三日山東文登縣奏始皇廟
鐘鼓無故自鳴

穆宗隆慶二年三月直隸新城縣空中迅響如雷

今上萬曆二十六年五月西寧古浪城樓大鐘連鳴三陣

二十八年九月鄖陽巡撫鄭國任奏公署東北角樓

上鐘大鳴三聲

物自壞

金宣宗元光二年丹鳳門壞壓死者數人

元至正十一年岳州府門忽自倒柱脚向天

人異

宋寧宗慶元元年永州民產兒有角翅 時尤溪縣有陳

油妻產二子肢體異而胸膈相連驚異不敢舉 陳升

之將生母荆國夫人常聞排榻有聲者累日索之無所
見既產升之其聲遂息得大蛇蛻于褥下鱗甲首尾俱
備惟腹下脫一鱗升之既長腹亦有一鱗可磨指甲仕

宋封秀國公 楊億之初生母章氏夢羽衣人自言武
夷仙脫化既誕則一鶴雛也舉家驚駭貯而棄之江其
叔曰吾聞世之異人其生亦異如姜嫄有棄簡狄有契
乃追至江濱開視之鶴已脫而嬰兒具焉體猶有紫毳
尺餘次日乃落

遼穆宗應曆十二年八月女直進鼻上毛小兒

金世宗大定十三年正月尚書省奏宛平張孝善有子曰
合得十二年三月旦死至夕復生云本是良鄉人王建
子喜兒而喜兒前三年已死建驗以家事能具道之此
蓋假屍還魂擬付王建爲子上日若是則姦倖小人競
生詐僞瀆亂人倫止付孝善

元

世祖中統二年九月河南民王四妻靳氏一產三男

按唐志云物反常爲妖陰氣盛則母道壯也

至元元年四月黃岡民婦生男狗頭 八月武城縣民

王氏妻崔氏一產三男 二年南漳王氏婦一產三男

十年八月鳳翔寶雞縣劉鐵牛妻一產三男 二十

年二月高州張丑妻李氏一產三男一女 四月固安

州王得林妻張氏懷孕五月生一男四手四足員頭三

耳一耳附腦後生而卽死具狀有司上之 二十二年

江陵民張二妻鄧氏一產三男 二十八年九月襄陽

南漳縣民李氏妻一產三子

成宗大德元年五月遂寧州軍戶任福妻一產三男 十
一月遼陽打鷹字蘭奚戶那懷妻和里迷一產四男
四年寶應縣民孫奕妻朱氏一產三男 十年正月江
州湖口縣民方丙妻甘氏一產四男

泰定帝泰定元年秦州成紀縣趙思直妻張氏一產三子
致和元年太平當塗縣楊泰妻吳氏一產四子

順帝至元元年雲南廣西婦人俱一產三男祥符縣市中
一丐婦忽生鬚 三年民間謠言拘刷童男女以故婚
姻不問長幼平江蘇達卿時爲上海縣吏有女年十一
贅里人浦仲明之子爲婿明年生一子 至正元年秦
陽縣民張氏婦生男甫及週歲暴長四尺許容貌異常

皤腹擁腫見人輒嬉笑如世俗所畫布袋和尚云 一
十三年霸州民王馬駒妻趙氏一產三男亳州務李閏
妻張氏一產三男

皇明

太祖洪武二十四年八月河南龍門有婦人司牡丹爲夫
蹴死越三年同鄉袁馬頭死而復甦自言我司牡丹也
召其家人驗之良是云死後爲薄姬廟侍婢今借屍還
魂耳時 懿文太子自陝還聞于上 上召面詢 賜
鈔帛還令兩家給養

憲宗成化十八年三月鳳陽宿州民張真妻王氏孕當產
臍下右邊痛不可言歷三月一日腹右畔開裂產出一

男鼻準中有黑痣巡按周蕃聞之朝甲辰徐州一婦
脇骨生一肉瘤漸長如核大皮益瑩薄彌月兒從此產
有司具聞月給膳米

世宗嘉靖二年雲南曲靖衛舍人胡晟妻產一男兩頭四
手三足五年禮部尚書席春奏有婦人產一子六目
四面頭有角手足各一節獨爪鬼聲十一年貴州巡
按奏軍人李華妻劉氏生男兩頭四手良乂身死雷鳴
電掣又當塗縣民吳倫妻一產三男一女二十八
年巳酉大同右衛舍人馬錄女年十七歲變爲男子按
晉時曾有此異爲中官用事之兆又華亭橫涇農人
孔方忽患腹瘕終日憤憤數月後產一肉塊剖視之乃

一孩肢體毛髮悉具而裸處其中

穆宗隆慶二年秋山西男子李原雨有兄原雲兄弟二人
原雨初娶張氏夫婦不相能因黜其妻同一夥伴業農
一日偶腹痛甚遂卧床久之陽漸微渠亦自異以爲病
虛故又久之則月行始知變爲婦人矣或告其兄兄疑
之遣其妻往視果然遂告于有司復審果爾因以聞于
朝未幾慚恚而死

今上萬曆庚寅南宿州村民婦一產七子膚髮紅白黑青
諸色各異以爲妖也潛屬一人瘞之江滸是夜里有富
長者夢神謂曰明日有七將軍在阨過爾門宜救之當
獲福祐長者起覘門外果見所識人抱一筐衣覆其上

呼而發視之問知其由因呼錢勞之語曰是兒神已托
夢于我我當鞠之爾且尋長已痊勿洩也越三年婦老
竟無子而思所產子翁亦聞育在 有家徧訪得之
乃屬人懇求長者曰神以兒屬我安有還理于是與見
而兩家子焉

按雙生子曰孿子

永樂靈丘縣民李文秀妻一產三

男 天順間揚州有民婦一產五男至成化間以爭財
訟于巡撫申公異而遣之顧連壁山東博興人與其弟
合壁俱一乳所生其母四乳生六子二女 成化間嘉
善縣鄒亮妻初乳生三子再乳生四子三乳生六子

嘉靖間香山蓮塘民鄭七仔妻廣州河南民黃世綱妻

萬曆間高平縣民吳守倉婦俱一產三男大同有一產
四男者

續文獻通考卷之二百二十三終

二百二十三

四思錄

萬物同歸乎無異矣... 一統三國大同... 一統

